

四庫全書

子部

欽定四庫全書

子部

傷寒論條辨卷五

六

詳校官太醫院醫士程泰

編修臣倉聖脈覆勘

總校官知縣臣繆琪

校對官助教臣胡予襄

謄錄監生臣黃冠軍

欽定四庫全書

傷寒論條辨卷五

辨太陰病脉證並治第六

九條

明方有執撰

陰經皆屬臟藏病不易治雖然治之得其道則反
易愈由其不似陽經之數於變也三陰惟太陰之
條自少者孤藏也然以天槩言之首尾只病三陽
而病者極多蓋太陽主表先太陽而病者常也天

人之自然也各經之自中鑒說也無此事理也且
三陽當病之時得治則愈又况一入陽明則不復
轉所以病陰證而病者絕少臨病切要仔細端詳
不可苟且忽畧謠俗專以交合陰陽偶爾中傷執
爲陰證下醫又快售乃習迷而同醉遂致普通大
謬數音速夫以病在三陽而謂之陽證病在三
陰而謂之陰證非甚高遠難知也而徇俗者乃
膠固執迷而不醒
道之不明有以夫

一太陰之爲病腹滿而吐食不下自利益甚時腹自痛

若下之必胃下結鞭

太陰脾經也其脉起於大指之端上循膝股內廉入腹屬脾絡胃上膈挾咽連舌本靈樞曰是動則舌本強食則嘔胃脘痛腹脹身體皆重是主脾所生病者舌本痛體不能動搖食不下蓋脾爲胃之合自利益甚者脾苦濕病而不能爲胃以行其津液水穀不分也時腹自痛者靈樞曰足太陰之別名曰公孫去本節之後一寸別走陽明其別入絡腸胃實則腸中切痛是也胃下結鞭者足太陰之脉其支者復從胃別上膈注心中故誤下則邪反聚其別也

二太陰中風四肢煩疼陽微陰澀而長者爲欲愈

四肢四末也脾主四末素問曰風淫末疾是也陽微陽經無邪也陰澀太陰統血血凝氣滯也長陽氣勝

也陽主發生故邪
自退而病欲愈也

三太陰病脉浮者可發汗宜桂枝湯

浮為在表太陰之脉尺寸俱沈細今見浮則邪見還
表可知然浮為風宜桂枝湯者以太陰之中風言也

方見太
陽上篇

四自利不渴者屬太陰以其藏有寒故也當溫之宜服

四逆輩

自利不渴濕勝也太陰濕土故曰有寒四
逆之輩皆能燠土以燥濕故曰溫之也

五傷寒脉浮而緩手足自溫者繫在太陰太陰當發身

黃若小便自利者不能發黃至七八日雖暴煩下利日十餘行必自止以脾家實穢腐當去故也

此條二節自不能發黃已上與陽明篇第四十一條上節同下節相反蓋同感異變而各成一家之證也然彼以至七八日反大便秘為轉陽明此以至七八日暴下利穢腐當去為脾家實何也蓋脾主為胃以行其津液暴下利則脾得以為胃行其津液矣所以脾為實而證為猶繫太陰也彼大便秘者由脾不能為胃行其津液而反為約所以為轉陽明也然則一脾胃也而反覆之變不同有如此者醫之為道豈可言哉

六本太陽病醫反下之因而腹滿時痛者屬太陰也桂

枝加芍藥湯主之

桂枝加芍藥湯方

於桂枝湯方內更加芍藥三兩隨前共六兩餘依桂

枝湯法

腹滿時痛者脾受誤傷而失其職司故曰屬太陰也
以本太陽病而反下也故仍用桂枝以解之以太陰
之被傷而致痛也
故倍芍藥以和之

七大實痛者桂枝加大黃湯主之

桂枝加大黃湯方

桂枝

三兩
去皮

大黃

一兩

芍藥

六兩

甘草

二兩
炙

生薑

三兩
切

大棗

十二枚
擘

右六味以水七升煮取三升去滓溫服一升日三服

此承上條而又以胃家本來實者言本來實者舊有宿食也所以實易作而痛速故不曰陽明而曰大實例之變也桂枝加大黃者因變以制宜也然曰桂枝加則補方者當一例如上文云云不當載成方且以本方加也而用芍藥六兩水七升不合數皆後人之苟用者當斟酌焉

八太陰為病脉弱其人續自便利設當行大黃芍藥者宜減之以其人胃氣弱易動故也

此承上條申
致戒謹之意

九太陰病欲解時從亥至丑上

亥子丑太陰所王之三時也
欲解者正王則邪不能勝也

辨少陰病脉證並治第七

凡四十六條
方十五

三陰先太陰者太陰正位中宮統倉稟也少
陰居下而先於厥陰者陰道逆自下而上也

一少陰之為病脉微細但欲寐也

少去聲下皆同少陰腎經也脉微細者少陰居於
極下其脉起於小趾之下也靈樞曰是主所生病者
嗜卧但欲寐嗜卧也蓋人肖天地天地之氣行於陽
則闢而曉行於陰則闔而夜故人之氣行於陽則動

而寤行於陰則靜而寐然則病人但欲寐者邪客於陰故也

二少陰病始得之反發熱脉沈者麻黃附子細辛湯主之

麻黃附子細辛湯方

麻黃

二兩
去節

細辛

二兩

附子

一枚炮去
皮破八片

右三味以水一斗先煮麻黃減二升去上沫內藥煮取三升去滓溫服一升日三服

發熱邪在表也脉沈少陰位北而居裏也以其居裏邪在表而發熱故曰反也以邪在表不在裏故用麻

黃以發之以其本陰而標寒故用附子以溫之細辛辛溫通於少陰用之以佐主治者以其專經而向導也

三少陰病得之一二日口中和其背惡寒者當灸之附子湯主之

附子湯方

附子

二枚去皮破八片

茯苓

三兩

人參

二兩

白朮

四兩

芍藥

三兩

右五味以水八升煮取三升去滓溫服一升日三服

口中和謂不燥不渴裏無熱也少陰之脉貫脊脊背
呂也背字从北从肉北天地之陰方也背肉為背人
身偕陰之處也陽脉在背根陰之義也經傳謂背為
陽者其猶謂桂枝發汗與夫歷家謂月行速之意歟
腎居北方其行屬水生於天一故曰少陰然則陰寒
溱於少陰宜乎背惡寒而他處不惡也灸之以火者
火能助陽而陰自消也主之以附子者附子溫經而
寒自散也人參甘溫補其氣以扶陽於生芍藥酸平
收其陰而為陽之附茯苓甘淡以利竅逐水以消陰
甘以入心順火以從陽术味苦甘苦以燥濕制水而
煨土甘以益脾
和中而固本也

四少陰病欲吐不吐心煩但欲寐五六日自利而渴者
屬少陰也虛故引水自救若小便色白者少陰病形悉

具小便白者以下焦虛有寒不能制水故令色白也

欲吐不吐心煩者少陰之脈循喉嚨其支者從肺出絡心注胃中故也自利者腎氣實水無制也虛故引水自救釋上文之渴也白寒色也病形悉具以其本病之口燥舌乾言也小便白者至末反覆申明上文所以曉人勿認煩渴為熱以致誤之意

五病人脈陰陽俱緊反汗出者亡陽也此屬少陰法當咽痛而復吐利

陰陽俱緊傷寒也傷寒不當有汗故謂汗為反出亡與無同古字通用無陽者汗乃血之液陰主血寒為陰而傷血陰邪湊於少陰陰盛矣故謂無陽以為之衛護而汗所以反得自出也咽痛者少陰之脈循喉

嘔也其藏屬水所以不惟
咽痛而復吐利水無制也

六少陰病脉細沈數病爲在裏不可發汗

細沈而數裏熱也故曰病爲
在裏不可發汗惡虛其表也

七少陰病脉微不可發汗亡陽故也陽已虛尺脉弱澀
者復不可下之

微者氣不充故曰無陽無陽則化不行故汗不可發
也尺以候陰弱澀者陰血不足也故謂復不可下蓋
少陰藏寒其官作強有出無入有虛無實有補無瀉
所以汗下皆不可行而反覆丁寧以示禁止如此

八少陰病欬而下利譫語者被火氣劫故也小便必難

以強責少陰汗也

少陰之脉從足走腹循喉嚨其支別出肺自下而上者也受火之劫火性炎上循經而蒸爍於肺肺傷則氣逆所以欬也下利者少陰屬水其藏虛寒劫迫則滑脫也滑脫而虛故生熱亂而譫語也強責謂過求也小便與汗皆血液也少陰少血劫汗奪血則小便為之涸竭故難也

九少陰病下利若利自止惡寒而踈卧手足溫者可治

下利陰寒盛也自止寒邪退也惡寒而踈卧其藏本虛寒也手足屬脾溫者脾土和也土和則萬物生故曰可治也

十少陰病惡寒而踈時自煩欲去衣被者可治

惡寒而踈承上條而言也時或自煩欲去衣
被陽熱復也猶之手足溫故亦曰可治也

士少陰病脉緊至七八日自下利脉暴微手足反溫脉
緊反去者爲欲解也雖煩下利必自愈

緊寒邪也自下利脉暴微者陰寒內泄也故謂手足
爲反溫言陽回也陽回則陰退故謂緊反去爲欲解
也夫寒邪在陰而脉緊得自利脉暴微手足溫緊去
爲欲解者猶之邪在陽脉數而熱得汗出脉和身涼
數去爲欲愈之意同
陰陽勝復之理也

士少陰中風陽微陰浮者爲欲愈

陰陽詳見二難三難陽微者風邪散而
表氣和也陰浮者裏氣勝而邪外出也

少陰病欲解時從子至寅上

子丑寅陽生之時也各經皆解於其所王之時而少陰獨如此而解者陽進則陰退陽長則陰消且天一一生水於子子者少陰生王之地故少陰之欲解必於此時歟

少陰病八九日一身手足盡熱者以熱在膀胱必便血也

膀胱屬太陽太陽者六經之長也為諸陽主氣與少陰腎為合陰從陽化裏熱達表故一身手足盡熱也熱在膀胱太陽多血腎司開闔陰主下降故熱亂則血出於二便也

少陰病但厥無汗而強發之必動其血未知從何道

出或從口鼻或從目出是名下厥上竭為難治

必動其血者汗為血之液不得汗則得血也或從口鼻或從目出者迫則錯經而妄逆也下厥以少陰居下而熱深言也上竭以妄逆言也

六少陰病吐利手足不逆冷反發熱者不死脉不至者

灸少陰七壯

陰寒吐利法當厥逆者以無陽也手足不逆冷則陽自若而脾胃和故以熱為反發者婉詞也然陽自若則陰為有制脾胃和則五藏六府皆得以受其氣而生也灸之者以其有可生之道所以通其經以遂其生也

七少陰病惡寒身踈而利手足逆冷者不治

陰盛無陽故曰不治

八少陰病吐利燥煩四逆者死

陰寒吐利而至於燥煩津液內亡而成枯竭也加之四肢厥逆脾土敗絕也

九少陰病下利止而頭眩時時自冒者死

頭眩俗謂昏暈是也諸陽在頭然則下利止而頭眩者津液內亡而陰已虛竭陽無依附浮越於外而神氣散亂故時時自冒也

十少陰病四逆惡寒而身踈脉不至不煩而燥者死

四肢溫和為順故以厥冷為逆不順也蹇不伸也陰主屈故也諸證具見而脉又不至則陽已先絕可知矣不煩而燥孤陰亦欲自盡也

主少陰病六七日息高者死

息呼吸氣也歎聲曰息言歎息之聲高而散漫無接續生息之意蓋陽氣欲絕故其聲息如此

三少陰病脉微沈細但欲卧汗出不煩自欲吐至五六日自利復煩燥不得卧寐者死

脉微沈細但欲卧少經之本病也汗出而不作煩熱無陽也欲吐經中之邪不退也自利藏病進也更復煩燥不得卧寐陽欲絕而擾亂不寧也

三少陰病得之二三日麻黃附子甘草湯微發汗以二
三日無裏證故微發汗也

麻黃附子甘草湯方

麻黃 二兩

甘草 二兩

炙

附子 一枚

去皮 炮

右三味以水七升先煮麻黃一兩沸去上沫內諸藥煮
取三升去滓溫服一升日三服

無裏證謂不吐利燥煩嘔渴也以無裏證而表又不
見故用附子以佐麻黃雖曰微發汗而用甘草以易
細辛蓋亦和解之意也

西少陰病得之二三日以上心中煩不得卧黃連阿膠湯主之

黃連

四兩

黃芩

一兩

芍藥

二兩

雞子黃

二枚

阿膠

三兩

右五味以水五升先煮三物取二升去滓內膠烺盡小冷內雞子黃攪令相得溫服七合日三服

少陰本欲寐反心中煩不得卧者風邪客於裏熱甚而裏不和也黃連黃芩清膈以除風擁之裏熱雞黃阿膠和血以益不足之真陰然阿膠者黑驢皮之膏液也故能逐陰經之邪風雞黃者巽木禽之誕卵也

金匱要略卷五
故能定風邪於少陰芍藥下氣以
和陰所以為少陰風熱之佐使也

二五少陰病身體痛手足寒骨節痛脉沈者附子湯主之

少陰腎也腎主骨寒淫則痛然則身體痛手足寒骨
節痛者傷寒也沈為在裏是故附子湯者溫裏以散

寒之要

藥也附子湯方見前

二六少陰病二三日至四五日腹痛小便不利下利不止
便膿血者桃花湯主之

桃花湯方

赤石脂

一斤一半全用一半篩末

乾薑

一兩

粳米

一升

右三味以水七升煮米令熟去滓溫服七合內赤石脂末方寸匕日三服若一服愈餘勿服

腹痛寒傷胃也小便不利下利不止者胃傷而土不能制水也便膿血者下焦滑脫也石脂之澀固腸虛之滑脫乾薑之辛散胃虛之裏寒粳米甘平和中而益胃故三物者所以為少陰下利便膿血之主治也

三少陰病下痢便膿血者桃花湯主之

古利無_レ_レ後人所加 此比上條差輕以便膿血同故治亦同

六少陰病下痢便膿血者可刺

此承上二條而申著其輔治之意刺所以通其壅滯也壅滯通便膿血自愈可者僅可之詞

元少陰病吐利手足厥冷煩躁欲死者吳茱萸湯主之

吐則耗陽利則損陰厥冷者陰損而逆也煩躁者陽耗而亂也茱萸辛溫散寒暖胃而止嘔人參甘溫益陽固本而補中大棗助胃益脾生薑嘔家聖藥故四物者為少陽扶危之所須也方見陽明篇

三少陰病下痢咽痛胃滿心煩者豬膚湯主之

豬膚 一斤

右一味以水一斗煮取五升去滓加白蜜一升白粉五合熬香和相得溫分六服

下利寒甚而水無制也咽痛胃滿心煩藏病與心病具見也豬膚本草不載義不可考說者不一用者不

同然既曰膚則當以燂豬時所起皮外毛根之薄膚為是但豬屬亥宜入少陰膚乃外薄宜能解外其性則涼固能退熱邪散而熱退煩滿可除也白蜜潤燥以利咽咽利而不燥痛可愈也白粉益土以勝水土王水制利可止也豬膚湯義意者其在於茲乎

王少陰病二三日咽痛者可與甘草湯不差者與桔梗湯

甘草湯方

甘草 二兩

右一味以水三升煮取一升半去滓溫服七合日二服

桔梗湯方

桔梗 一兩

甘草 二兩

右二味以水三升煮取一升半去滓分溫再服

咽痛邪熱客於少陰之咽喉也甘草甘平而和陰陽故能主除寒熱桔梗苦甘而任舟楫故能主治咽傷所以微則與甘草甚則加桔梗也

三少陰病咽中痛半夏散及湯主之

半夏散及湯方

半夏 洗

桂枝 去皮

甘草 炙以上各等分

已上三味各別搗篩已合治之白飲和服方寸匕日三服若不能散服者以水一升煮七沸內散一兩方寸匕更煎三沸下火令小冷少少嚥之

咽痛與上同而治不同者此以風邪熱甚痰上壅而痺痛者言也是故主之以桂枝祛風也佐之以半夏消痰也和之以甘草除熱也三物者是又為咽痛之一治也

三少陰病咽中傷生瘡不能語言聲不出者苦酒湯主之

苦酒湯方

半夏

洗破棗核
天十四枚

雞子

一枚去黃內上苦
酒著雞子殼中

右二味內半夏著苦酒中以雞子殼置刀鐮中安火上

令三沸去滓少少嚥下不差更作三劑服之

咽傷而生瘡則比痛為差重可知也不能語言者少
陰之脈復入肺絡心心通竅於舌心熱則舌不掉也
聲不出者肺主聲而屬金金清則鳴熱則昏而塞也
半夏主咽而開痰結苦酒消腫而斂咽瘡雞子甘寒
而除伏熱已上三條證同而
治殊蓋各適其因之宜然爾

白通湯主之

白通湯方

蔥白

四莖

乾薑

一兩

附子

一枚生去皮破八片

右三味以水三升煮取一升去滓分溫再服

少陰病而加下利者不獨在經而亦在藏寒甚而陰勝也治之以乾薑附子者勝其陰則寒自散也用蔥白而曰白通者通其陽則陰自消也

三少陰病下利脉微者與白通湯利不止厥逆無脉乾嘔煩者白通加豬膽汁湯主之服湯脉暴出者死微續者生

白通加豬膽汁湯方

蔥白 四莖

乾薑 一兩

附子 一枚生去皮破八片

人尿 五合

豬膽汁 一合

已上三味以水三升煮取一升去滓內膽汁人尿和令相得分溫再服若無膽汁亦可用

尿與溺同奴弔切 此承上條復以其甚者言脉微陽虛也厥逆無脉乾嘔煩者熱藥治寒寒甚者格拒而不入湯不為用反爭而逆亂也人尿性寒膽汁微寒以之為向導者經曰逆者從之此之謂也暴出燭欲燼而焱烈也微續真陽回而漸復也然屬加減耳成方疑後人所增

三少陰病二三日不已至四五日腹痛小便不利四肢

沈重疼痛自下利者此為有水氣其人或欬或小便利或下利或嘔者真武湯主之

真武湯方

茯苓 三兩

芍藥 三兩

生薑 三兩切

白朮 二兩

附子 一枚炮去皮破八片

右五味以水八升煮取三升去滓溫服七合日三服

腹痛小便不利陰寒內甚濕勝而水不行也四肢沈重疼痛寒濕內滲又復外薄也自下利者濕既甚而水不行則與穀不分清故曰此為有水氣也或為諸證大約水性泛濫無所不之之故也真武者北方陰

精之宿職專司水之神以之名湯義取主水然陰寒甚而水泛濫由陽困弱而土不能制伏也是故術與茯苓燥土勝濕芍藥附子利氣助陽生薑健脾以燠土則水有制而陰寒退藥與病宜理至必愈

後加減法

或為諸證之治

若欬者加五味子半升細辛乾薑各一兩

水寒相搏則欬細辛乾薑

之辛散水寒也既散矣肺主欬而欲收五味子者酸以收之也若小便利者去茯苓茯苓淡滲而利竅小便既利不須滲也若下利者去芍藥加乾薑二兩

芍藥收陰而停液非下利者所宜故去之若嘔者去乾薑散寒而燠土土燠則水有制故加之

附子加生薑足成半斤

嘔氣逆也去附子以其固氣也加生薑以其散氣也

三少陰病下利清穀裏寒外熱手足厥逆脈微欲絕身反不惡寒其人面赤色或腹痛或乾嘔或咽痛或利止脈不出者通脈四逆湯主之

通脈四逆湯方

甘草

二兩炙

乾薑

三兩強人可四兩

附子

大者一枚生去皮破八片

右三味以水三升煮取一升二合去滓分溫再服其脈即出者愈

下利清穀手足厥冷脈微欲絕而裏寒者陰甚於內也身反不惡寒面色赤而外熱者格陽於外也陰陽

不相通所以逆亂而有或為諸多證利雖止邪欲罷也脉仍不出陽氣未復也夫脉者血氣之道路血陰也非陽不行薑附辛熱助陽也甘草甘平益氣也湯本四逆而分兩殊通脉則加蔥之謂

後加減法

同前

面色赤者加蔥九莖

面色赤陽格甚也加蔥通陽氣也

腹中痛者去蔥

加芍藥二兩

腹中痛真陰不足也去蔥惡其順陽也加芍藥收陰也

嘔者加生

薑二兩

見前

咽痛者去芍藥加桔梗一兩

咽痛氣結也去芍藥聚氣

也加桔梗利咽也

利止脉不出者去桔梗加人參二兩

利止脉不

出見上去桔梗者嫌其載而少暢通也加人參者生其陽而和其陰也

三少陰負趺陽者爲順也

此承上文自利而言以示人通診吉凶利害之大意蓋謂少陰屬水其自利者以陰寒甚土弱而水無制也趺陽主胃而屬土負謂趺陽有脉土尚強土強則水有制而少陰反爲輸負矣順言不以受制爲拘也蓋水惟其有制則卒遵道不得終於泛濫而成大害且萬物資生於土而百骸藉於胃水土平成物類又安非天下之至順乎古今謂趺陽有脉者不死有以哉

三少陰病四逆其人或欬或悸或小便不利或腹中痛或泄利下重者四逆散主之

四逆散方

甘草 炙

枳實 破水漬
炙乾

柴胡

芍藥

右四味各十分搗篩白飲和服方寸匕日三服

分去聲下同 人之四肢溫和為順故以不溫為逆但不溫和而未至於厥冷則熱猶為未入深也故用柴胡解之也枳實泄之也然熱邪也邪欲解本陰也陰欲收芍藥收之也甘草和之也分今之二錢五也

後加減法 同前

欬者加五味子乾薑各五分並主下痢 欬見前並主下利亦散水

寒收泄
氣之意

悸者加桂枝五分

心主悸桂枝
通心氣也

小便不利者

加茯苓五分

前見

腹中痛者加附子一枚炮令折

腹中
痛寒

甚也附子
溫之也

泄利下重者先以水五升煮薤白三升煮

取三升去滓以散三方寸已內湯中煮取一升半分

溫再服

下重氣滯也
薤白疏泄也

少陰病下利六七日欬而嘔渴心煩不得眠者豬苓湯主之

下利固乃陰寒甚而水無制六七日欬而嘔渴心煩不得眠者水寒相搏蓄積不行內悶而不寧也豬苓

湯者滲利以分清其水穀之二道也二道清則利無
有不止者利止則嘔渴心煩不待治而自愈矣方

見陽
明篇

四少陰病得之二三日口燥咽乾者急下之宜大承氣

湯

口燥咽乾者少陰之脈循喉嚨挾舌本邪熱客於經
而腎水為之枯竭也然水乾則土燥土燥則水愈乾
所以急於下也
方見陽明篇下同

四少陰病自利清水色純青心下必痛口乾燥者急下

之宜大承氣湯

水腎邪青肝色腎邪傳肝也心下必痛者少陰之脉其支別者從肺出絡心注胃中也口乾燥見上故治同

三少陰病六七日腹脹不大便者急下之宜大承氣湯

腹脹不大便胃實可知急下者少陰屬水惡土實也

四少陰病脉沈者急溫之宜四逆湯

脉沈寒邪深入於裏也溫之不容以不急也方見太陽中篇下同

五少陰病飲食入口則吐心中溫溫欲吐復不能吐始得之手足寒脉弦遲者此胃中實不可下也當吐之若

膈上有寒飲乾嘔者不可吐也急溫之宜四逆湯

飲食入口則吐少陰主喉嚨而寒邪客之也少陰之脈絡心注胃中實謂痰壅而上塞也寒以虛言溫有補意

吳少陰病下利脈微澀嘔而汗出必數更衣反少者當溫其上灸之

數音朔更平聲反少之少上聲微陽虛也澀血少也汗出陽虛不能外固陰弱不能內守也更衣見陽明篇反少者陽虛則氣下墜血少所以勤努責而多空坐也上謂頂百會是也灸升舉其陽以調養夫陰也

辨厥陰病脉證並治第八

凡五十四條
方六

厥陰之為病消渴氣上撞心心中疼熱饑而不欲食食則吐衄下之利不止

撞陟降切衄音回 厥陰肝經也其脉起於大指聚毛之上循股入陰中環陰器抵小腹消渴者飲水多而小便少也蓋厥陰屬木邪由少陰傳來少陰屬水木為水之子子能令母虛厥陰之邪熱甚則腎水為之消腎消則引水以自救故消而且渴渴不為水止也氣上撞心心中疼熱者心屬火木火通氣肝氣通於心也饑不能食者胃司食而屬土木邪甚土受制也吐衄者衄在胃中無食則靜聞食嗅則出也下之利不止者邪屬厥陰下則反虛陽明陽明屬土土虛則木益賊其所勝也

二厥陰中風脉微浮為欲愈不浮為未愈

風脉當浮以厥陰本微緩不浮故微浮則邪見還表而為欲愈可診不浮反不然

三厥陰病欲解時從丑至卯上

厥陰屬木王於丑寅卯之三時正氣得其王時邪退而病解在六經皆然夫以六經各解於三時而三陽解自寅至亥三陰解自亥至卯厥陰之解至寅卯而終少陽之解自寅卯而始何也曰寅為陽初動陰尚強卯為天地闢陰陽分所以二經同王其病之解由此而終始也然則三陽之王時九各不相襲三陰之王時五太陰與少陰同子丑少陰與厥陰同丑寅何也曰陽行健其道長故不相及陰行鈍其道促故皆相躡也

四厥陰病渴欲飲水者少少與之愈

厥陰屬木木生於水水求生也少少與潤之也愈木得潤則生也

五諸四逆厥者不可下之虛家亦然

四逆見少陰篇厥見下蓋厥為四逆之極陰陽既不相順接下則必至於脫絕故禁勿用也

六傷寒脈遲六七日而反與黃芩湯徹其熱脈遲為寒
今與黃芩湯復除其熱腹中應冷當不能食今反能食
此名除中必死

反音板應平聲 反猶左也言不順於道也黃芩湯寒藥也徹亦除也應亦當也反能食者胃欲絕引食

以自救也中以胃言死
謂萬物無土不生也

七傷寒始發熱六日厥反九日而利反厥利者當不能
食今反能食者恐為除中食以索餅不發熱者知胃氣
尚在必愈恐暴熱來出而復去也後三日脉之其熱續
在者期之旦日夜半愈所以然者本發熱六日厥反九
日復發熱三日並前六日亦為九日與厥相應故期之
旦日夜半愈後三日脉之而脉數其熱不罷者此為熱
氣有餘必發癰膿也

食以之食與飼同索當作素數音朔食以飼之也
素常也謂以素常所食之餅餌飼之以贖其情也一
說無肉曰素謂不令犯食禁也不發熱言所食之餅
化消而無患故曰知胃氣尚在也暴熱謂厥而猛然
得熱見陽回之意也故曰其熱續在期之旦日夜半
愈也旦日明日平旦朝而陽長之時也夜半陰盡陽
生之時也所以然者已下至夜半愈乃反覆申明上
文之意數以候熱癰膿者厥陰主血血熱持久則壅
瘀則腐化故可必也

八傷寒先厥後發熱而利者必自止見厥復利

先厥起於陰也後發熱
陽勝也見厥謂復厥也

九傷寒先厥後發熱下利必自止而反汗出咽中病者

其喉為痺發熱無汗而利必自止若不止必便膿血便膿血者其喉不痺

此承上條而言汗出咽中痛陽勝而熱上行也濕則痺咽中痛而曰痺者痰亦濕也厥以得熱為陽回故發熱雖無汗而利亦必自止便膿血亦協熱也

十傷寒一二日至四五日而厥者必發熱前熱者後必厥厥深者熱亦深厥微者熱亦微厥應下之而反發汗者必口傷爛赤

應平聲 厥者必發熱寒極而熱復也前熱者後必厥陽極而內陷也厥深熱亦深厥微熱亦微以大藥

言也厥應下之謂邪在裏也口傷爛赤厥陰之脉上與督脉會於巔其支者從目系下頰裏環唇內所以誤汗則熱散亂而唇口傷也

亡傷寒病厥五日熱亦五日設六日當復厥不厥者自愈厥終不過五日以熱五日故知自愈

厥五日熱亦五日陰陽勝復無偏也當復厥不厥陽氣勝也陽主生故自愈可知也

亡凡厥者陰陽氣不相順接便為厥厥者手足逆冷是也

此揭厥而明其義以申其狀案脉經流注手之三陰從腹走至手手之陽從手走至頭足之三陽從頭下

走至足足之三陰從足上走入腹然則手之三陰與手之三陽相接於手足之三陰與足之三陽相接於足陰主寒陽主熱故陽氣內陷不與陰氣相順接則手足厥冷也然手足為四肢主之者脾也脾為陰陽不與陰相順接而手足逆冷又可知也

士傷寒脉微而厥至七八日膚冷其人躁無暫安時者此為藏厥非為虵厥也虵厥者其人當吐虵今病者靜而復時煩此為藏寒虵上入膈故煩須臾復止又煩者虵聞食臭出其人當自吐虵虵厥者烏梅圓主之又主久痢方

烏梅圓方

烏梅 三百箇

細辛 六兩

乾薑 十兩

黃連 一斤

當歸 四兩

附子 六枚

蜀椒

四兩
去汗

桂枝 六兩

人參 六兩

黃蘗

六兩

右十味異搗篩合治之以苦酒漬烏梅一宿去核蒸之
五升米下飯熟搗成溼和藥令相得內臼中與蜜杵二
千下圓如梧桐子大先食飲服十圓日三稍加至二十

圓禁生冷滑物臭食等

脉微而厥統言之也膚冷言不獨手足以見陽氣內陷與上文互意也躁無暫安時言熱深且極也藏厥言非在經皆互詞也寒言尚未變熱也桂枝薑附細辛蜀椒勝寒而退陰也人參固氣當歸和血除煩而止嘔也烏梅之酸連藥之苦安蛭使之靜也蓋蛭之為物類有情識聞酸則伏得苦則安利本濕熱所以滯下得苦則泄惟酸能收故雖

曰治蛭而下利膿血可通主也

齒傷寒熱少厥微指頭寒默默不欲食煩躁數日小便利色白者此熱除也欲得食其為愈若厥而嘔胃脇煩滿者其後必便血

熱少厥微邪淺也所以手足不冷而但指頭寒默默謂無言也不欲食厥陰之脉挾胃也煩躁則內熱故以小便利白色為熱除也欲食邪退而胃回也厥而嘔胃脇煩滿者厥陰脉挾胃貫膈布脇肋也使血肝不納也

五傷寒發熱四日厥反三日復熱四日厥少熱多其病當愈四日至七日熱不除者其後必便膿血

邪在表則熱入裏則厥厥少則邪散熱多則正復故病為當愈也熱不除至末與上條末三句互相發明
六傷寒厥四日熱反三日復厥五日其病為進寒多熱少陽氣退故為進也

此反上條而言
進謂加重也

亡傷寒六七日脉微手足厥冷煩躁灸厥陰厥不還者

死

灸所以通陽也陽不
回故於法主死也

大傷寒發熱下利厥逆躁不得卧者死

腎主躁不得
卧藏氣絕也

大傷寒發熱下利至甚厥不止者死

此與上條
大意同

手發熱而厥七日下午利者爲難治

厥七日而下利陽不復而裏虛也

手傷寒六七日不利便發熱而利其人汗出不止者死有陰無陽故也

發熱而利裏虛邪入也故曰有陰汗出不止表陽外絕也故曰無陽

三病者手足厥冷言我不結胃小腹滿按之痛者此冷結在膀胱關元也

關元在臍下三寸爲小腸募故小腹滿按之痛不上結於胃陽虛也下結於膀胱關元者陰寒勝故曰冷

結也

三傷寒五六日不結胃腹濡脉虛復厥者不可下此為亡血下之死

濡音軟亡與無通 腹濡邪在經而裏陰虛也脉者血之府故知無血也血亦陰下之死者重亡其陰也

四傷寒脉促手足厥逆者可灸之

促謂短促陽氣內陷而脉不至故厥逆也灸通陽也

五傷寒脉滑而厥者裏有熱也白虎湯主之

滑以候熱然而厥者熱本寒因故曰裏有熱也與太陽下篇第十三條文相反而意則同互相發明者也

故治同而
方見彼

六手足厥寒脉細欲絕者當歸四逆湯主之

當歸四逆湯方

當歸 三兩

桂枝 三兩
去皮

芍藥 三兩

細辛 二兩

通草 二兩

甘草 二兩
炙

大棗 二十五枚
擘

右七味以水八升煮取三升去滓溫服一升日三服

寒與逆同本陽氣內陷也細則為虛陰血不足也當
歸芍藥養血而收陰通草細辛行脉而通閉桂枝辛

甘助陽而固表甘草大棗健脾以和胃夫心主血當歸補其心而芍藥以收之肝納血甘草緩其肝而細辛以潤之脾統血大棗益其脾而甘草以和之然血隨氣行桂枝衛陽氣固則血和也

若其人內有久寒者宜當歸四逆加吳茱萸生薑湯主之

當歸四逆加吳茱萸生薑湯方

於前湯方內加吳茱萸半升生薑三兩

右九味以水六升清酒六升和煮取五升去滓分溫五

服一本水酒各四升

久寒謂宿昔素常藏府有沈寒也吳茱萸溫藏以散寒也生薑者佐棗以和陰陽也

三大汗出熱不去內拘急四肢疼又下利厥逆而惡寒者四逆湯主之

大汗出陽虛而表不固也熱不去言邪不除也內拘急四肢疼者亡津液而骨屬不利也不利厥逆而惡寒者亡陽而陰寒內甚也四逆湯溫經以散寒回陽而斂液者也方見太陽下篇

三大汗若大下利而厥冷者四逆湯主之

此與上同而較輕故治同

元傷寒厥而心下悸者宜先治水當服茯苓甘草湯却

治其厥不瀾水漬入胃必作利也

漬資四切 金匱曰水停心下甚者則悸然則悸為水甚而厥則寒甚也寒無象而水有質水去則寒消入胃者水能滲土也

方見太陽中篇

卒傷寒六七日大下後寸脉沈而遲手足厥逆下部脉不至咽喉不利唾膿血泄利不止者為難治麻黃升麻湯主之

麻黃升麻湯方

麻黃

二兩半
去節

升麻

一分

當歸

一分

知母 十八銖

黃芩 十八銖

萎蕤 十八銖

石膏

六銖 碎
綿裹

白朮

六銖

乾薑

六銖

芍藥

六銖

天門冬

六銖
去心

桂枝

六銖

茯苓

六銖

甘草

六銖

右十四味以水一斗先煮麻黃一兩沸去上沫內諸藥
煮取三升去滓分溫相去如炊三斗米頃令盡汗出愈

唾吐卧切 下部脉不至者邪乘下後裏虛深入而
陽內陷也咽喉不利者厥陰之脉貫膈上注肺循喉
嚨之後也唾膿血者肺金燥而痿也難治者表裏雜
亂而不清陰陽睽而不相順接也夫邪深入而陽內

陷寸脉沈而遲也故用麻黃升麻升舉以發之手足厥逆而下部脉不至也故用當歸薑桂溫潤以達之然芍藥斂津液而甘草以和之咽喉可利也萎藜門冬以潤肺而黃芩知母以除熱膿血可止也朮能燥土茯苓滲濕泄利可愈也石膏有微熱之功所以為幹旋諸佐使而妙其用焉

三傷寒四五日腹中痛若轉氣下趣少腹者此欲自利也

腹中痛厥陰之脉抵小腹挾胃也轉氣下趣者裏虛不能守而寒邪下迫也

三下利清穀裏寒外熱汗出而厥者通脉四逆湯主之

下利故曰裏寒陰不守也外熱故汗出陽不固也通脉四逆救裏通血氣而復陰陽者也

三下利清穀不可攻表汗出必脹滿

此申上條而致戒此條汗出與上條汗出不同上條以自出言此以攻之則出言上言已然者此言未然者脹滿可必者汗出則無陽而陰獨治也

四下利腹脹滿身體疼痛者先溫其裏乃攻其表溫裏

四逆湯攻表桂枝湯

此承上而申致用治之次序腹脹滿裏虛也故溫之身體疼痛表實也故攻之惟虛也故必先之惟其實故可後焉四逆湯方見太陽下篇上皆同桂枝湯方見太陽上篇

五下利譫語者有燥屎也宜小承氣湯

既下利而曰有燥屎何也胃熱則屎燥若服湯不能和胃則徒利湯液其燥屎固自若所以譫語也宜小承氣者厥陰易於下也方見陽明篇

三下利後更煩按之心下濡者為虛煩也宜梔子豉湯

更煩言本有煩不為利除而轉甚也虛煩並方見太陽中篇

三傷寒下利日十餘行脉反實者死

實言邪勝也

三下利有微熱而渴脉弱者令自愈

微熱陽漸回也渴內燥未復也弱邪退也令自愈言不須治也

三下利脉數而渴者令自愈設不差必清膿血以有熱故也

清與圉同 脉數與上文微熱
互相發明清猶言便膿血也

四下利脉數有微熱汗出令自愈設復緊為未解

此與上二條互相發明汗出
亦陽回氣微也緊寒未除也

四下利脉沈而遲其人面少赤身有微熱下利清穀者
必鬱冒汗出而解病人必微厥所以然者其面戴陽下
虛故也

諸陽聚於面少赤亦陽回也故曰戴陽鬱胃作汗也微厥邪正爭也下虛指利而言也

四下利手足厥冷無脉者灸之不溫若脉不還反微喘者死

喘言息短而聲不續陽氣衰絕也

四下利後脉絕手足厥冷晬時脉還手足溫者生脉不還者死

晬音碎 晬時周時也此與上條互相發明

四下利寸脉反浮數尺中自澀者必清膿血

清與圓同 寸反浮數者熱轉上
逆也又中自澀者熱壅而血瘀也

四下利脉沈弦者下重也脉大者為未止脉微弱數者
為欲自止雖發熱不死

下重謂滯下也大則病
進微弱者邪氣衰也

吳熱利下重者白頭翁湯主之

白頭翁湯方

白頭翁 三兩

黃連 三兩
去須

黃蘗 三兩
去皮

秦皮 三兩

右四味以水七升煮取二升去滓溫服一升不愈更服一升

此申上條而出其治白頭翁逐血以療癰秦皮洗肝而散熱黃連調胃而厚腸黃蘗者除熱而止泄也

四下利欲飲水者以有熱故也白頭翁湯主之

有熱謂亡津液而內燥所以欲飲水也方同上

四乾嘔吐涎沫者吳茱萸湯主之

厥陰之脉挾胃屬肝上貫膈布脇肋循喉嚨之後上入頤頤連目系上出與督脉會於巔其支者復從肝別貫膈上注肺故靈樞曰是肝所生病者胃滿嘔逆然則厥陰之邪循經而上逆故其證見如此方見

陽明篇

嘔而發熱者小柴胡湯主之

小柴胡或為有嘔故通其治

五嘔而脉弱小便復利身有微熱見厥者難治四逆湯主之

脉弱雖似邪衰而小便復利則是裏屬虛寒也故曰見厥者難治以身有微熱也故雖厥可以四逆湯得救其陽之復

五嘔家有癰膿者不可治嘔膿盡自愈

肝脉其支者上注肺肝主血善嘔血熱瘀與肺痿者皆為癰而嘔膿不可治者謂膿當嘔與邪逆而嘔者不同也

五傷寒本自寒下醫復吐下之寒格更逆吐下若食入口即吐乾薑黃連黃芩人參湯主之

乾薑黃連黃芩人參湯方

乾薑

三兩
去皮

黃連

三兩
去須

黃芩

三兩

人參

三兩

右四味以水六升煮取二升去滓分溫再服

寒格謂藥寒致成格拒也乾薑人參正
治以遏其吐黃連黃芩反佐以通其格

至傷寒大吐大下之極虛復極汗出者以其人外氣怫
鬱復與之水以發其汗因得噦所以然者胃中寒冷故
也

上條以藥吐下言此以
水發汗言亦互明之意

至傷寒噦而腹滿視其前後知何部不利利之則愈

噦承上條而言腹滿即寒生膜脹也前
後謂二便也三條疑太陽中篇錯簡

傷寒論條辨卷五

欽定四庫全書

傷寒論條辨卷六

明方有執撰

辨溫病風溫雜病脉證并治第九

凡二十條
方三

此皆舊本錯雜亂
出今分類爲篇

一太陽病發熱而渴不惡寒者爲溫病

發熱溫亦陽故熱亦即發也渴熱傷血也不惡寒無陰寒之讎也溫春令之氣也氣之於時或則未應至而至或則應至未至而不齊故冬夏雖有溫要必以春爲正是故必也證候顯見有如此者始可以言是

觸犯於溫而病也此揭溫病之名實而不出其治者
論溫以辨明傷寒故不之及也說者以為有論無治
而不自滿吁烏足
與論經之大旨哉

若發汗已身灼熱者名曰風溫風溫為病脉陰陽俱浮
自汗出身重多眠睡鼻息必鼾語言難出若被下者小
便不利直視失溲若被火者微發黃色劇則如驚癇時
瘕瘕若火薰之一逆尚引日再逆促命期

鼾音早溲音蒐癇音間瘕音熾瘕音蹤 灼熱謂熱
轉加甚也風溫謂觸犯於溫病有風也陰陽俱浮太
陽本浮而風溫皆陽故上下皆見浮也自汗出亦衛
受傷也身重多眠睡鼻息必鼾語言難出者風擁則

氣昏熱甚則氣鬱也小便不利者太陽主膀胱而風溫皆陽下則反攻陰徒亡其津液而膀胱之氣傷也直視者太陽之筋支者爲目上綱故不轉睛而上竄也失漚言小便甚失其常度也火灸熨之類也微言攻之微則變亦微發黃者火熱則土燥故其色外奪也劇言攻之劇則變亦劇如驚癇時瘳癡者火甚熱極而生風也熏亦火劫也一逆言作誤也尚引日言猶可以俄延再逆言復誤也促命期言大枉人之天年其致警之意深矣

二形作傷寒其脉不弦緊而弱弱者必渴被火者必譫語弱者發熱脉浮解之當汗出愈

形作傷寒猶曰似傷寒指上條而申言之也不弦緊謂非傷寒也弱即風性柔緩之謂譫語者火甚則土

燥也弱者發熱蓋引素問諸弱發熱以明上文之必
渴也解之言脉既屬浮則當以法解之訣人用治之
也大意

三脉浮熱甚反灸之此為實實以虛治因火而動必咽
燥唾血

此又承上條而申致戒警之意實謂脉浮熱甚為邪
氣勝則實咽燥者腎為膀胱之合其脉之直者入肺
中循喉嚨挾舌本也唾血者火性炎
上血因之而妄逆也已上皆言溫

四病如桂枝證頭不痛項不强寸脉微浮胃中痞鞭氣
上衝咽喉不得息者此為胃有寒也當吐之宜瓜蒂散

瓜蒂散方

瓜蒂

一分
熬黃

赤小豆

一分

右二味各別搗篩爲散已合治之取一錢匕以香豉一合熱湯七合煮作稀糜去滓取汁和散溫頓服之不吐者少少加得快吐乃止諸亡血虛家不可與瓜蒂散

如桂枝證言大約似中風也頭不痛項不强言太陽經中無外入之風邪以明非中風也寸候身半已上微浮邪自內出也胃中痞鞭痰涎塞膈也氣上衝咽喉者痰湧上逆俗謂喉中聲如曳鋸是也寒以痰言痰內證也內者爲虛故曰寒也是病也想當先仲景時命名者蓋不過按素問陽之氣以天地之疾風名

之而亦呼為中風豈意後世足以奪本經之中風相
亂而相誤哉經草其名而以病如桂枝證揭之誠萬
世辨明中風似是而非之至教也易吐實風寒之梔
子豉而以瓜蒂散者瓜蒂苦寒能吐頑痰而快膈小
豆酸平善湧風涎而逐水香豉能起信而潮汐故佐
二物而主治稀糜則又承載三物者之舟航此所以
為吐虛風虛寒之對藥也然而又曰虛家不可與何
也是又一說也此風此寒雖人身之虛象而痰涎顧
非胃中之實物邪然則虛家者不痰可言乎噫本
氣自病之東垣不作難乎可與同論此也休哉

五病人有寒復發汗胃中冷必吐蚘

有寒承上文而言復反也言誤也誤汗則徒亡津液
胃中空虛故曰冷也胃虛則蚘失其所養而諄亂故
吐出可必此乃申致上文不可發汗以嚴戒慎之意
當作一條舊本出在兩篇數拘有定今一之則目不

合舊數故但移就相次存二以仍
舊計凡如此者讀者自會可也

六病人手足厥冷脉乍緊者邪結在胃中心中滿而煩
飢不能食者病在胃中當須吐之宜瓜蒂散

手足厥冷似涉於厥陰傷寒也乍忽也言非厥陰傷
寒乃虛寒之邪自內而作故曰邪結在胃中邪亦以
痰言所以胃中滿而煩也飢不能食者痰涎湧上逆
而塞膈氣窒而食不通也病在胃中乃承上起下之
句吐宜瓜蒂散而與前條同者虛風虛寒雖殊而痰
之所以為邪則一也然前條虛風生痰即俚俗所謂
中風而此條虛寒痰證即諸家方書所謂四證類傷
寒而痰居其一者是也經皆揭之而不名者想當時
皆不過以中風傷寒為通解經以虛風之風非風寒
之風也故不曰風痰而曰胃有寒以虛寒之寒與風

寒之寒不同也故不曰寒痰而曰邪在胃中但詳其痰之狀而草其名正其義以出其治其所以為曉寤天下後世也亦已至矣何天下後世卒深沉昏惑而反多口於經甚者則直詆桂枝湯為偶中於漢之末世誣之為不可用羣然沒其所謂中風之病名而惜其病於不知顛倒其傷寒之經旨於分崩離析使故習之弊至今尚然噫陋俗之難化愚夫之難曉一至是邪宜乎後之人年不古若而日陷於促也冤哉

七病人身大熱反欲得近衣者熱在皮膚寒在骨髓也
身大寒反不欲衣者寒在皮膚熱在骨髓也

此揭五合表裏之為病而分曉之所以勉人當求病於的之意皮膚五合之表也骨髓五合之裏也熱在皮膚寒在骨髓者表實裏虛也寒在皮膚熱在骨髓者表虛裏實也然此以藏府不預而言耳合藏府而

統言之則皆表而無裏之
可稱也學者不可不究

表熱裏寒者脉雖沉而遲手足微厥下利清穀此裏寒
也所以陰證亦有發熱者此表解也表寒裏熱者脉必
滑身厥舌乾也所以少陰惡寒而踈此表寒也時時自
煩不欲厚衣此裏熱也

此承上文而詳釋之之意所以陰
證亦有發熱者之上疑有脫落

八病發熱頭痛脉反沉若不瘥身體疼痛當救其裏宜

四逆湯

此馮脉不馮證之大
旨方見太陽下

九病在陽應以汗解之反以冷水溼之若灌之其熱被
却不得去彌更益煩肉上粟起意欲飲水反不渴者服
文蛤散若不瘥者與五苓散寒實結胃無熱證者與三
物小陷胃湯白散亦可服

文蛤散方

文蛤 五兩

右一味爲散以沸湯和一錢匕服湯用五合

白散方

桔梗 三分

貝母 三分

巴豆 一分去皮熬
黑研如泥

右件二味爲末內巴豆更於臼中杵之以白飲和服強
人一錢羸者減之病在膈上必吐在膈下必利不利進
熱粥一杯利過不止進冷粥一杯身熱皮粟不解欲引
衣自覆者若水以溼之洗之益令熱被不得出當汗而
不汗則煩假令汗出已腹中痛與芍藥三兩如上法

溼心艮切 在陽謂表未罷熱未除也溼噴之也灌
溉之也被蒙也言邪蒙肩於溼灌之水鬱閉而不散

熱惋煩惱益甚也粟起言膚上粒起如粟水寒鬱留於表而然也意欲得水而不渴者邪熱雖甚反為水寒所制也文蛤即海蛤之有文理者鹹寒走腎而利水以之獨專任者蓋取督腎而行水也不差者水雖內漬猶有外被者故用五苓散內以消之外以散之而兩解也寒以飲言飲本寒也又得水寒兩寒搏結而實於胃中故謂無熱證也小陷胃湯固小結胃之主治然白散者桔梗貝母能消飲而開膈巴豆辛溫能散寒而逐水所以寒結或重而小結胃不能解者則此又可服也小陷胃湯方見太陽中

十病人藏無他病時發熱自汗出而不愈者此衛氣不和也先其時發汗則愈宜桂枝湯主之

藏無他病裏氣和也時以暫言謂或時則然或時不然也衛氣不和表不固也先其時言於未發熱之先

也方見
太陽上

土病常自汗出者此為榮氣和榮氣和者外不諧以衛氣不共榮氣和諧故爾以榮行脉中衛行脉外復發其汗榮衛和則愈宜桂枝湯

此與上條同上以暫言此言常者謂無時不然也上言藏藏為陰而主裏此言榮榮亦陰而主裏衛亦外皆變文之互詞蓋上條以暫言故其詞畧此以常言故其詞詳兩相互發義不殊也然皆發汗而此不言先其時者以常故無先後之可言也

土病人脉數數為熱當消穀引食而反吐者此以發汗

今陽氣微膈氣虛脉乃數也數為客熱不能消穀以胃中虛冷故吐也

數為客熱已下乃反覆詳明上文之義客熱以邪氣言虛冷以正氣言

十三微數之脉慎不可灸因火為邪則為煩逆追虛逐實血散脉中火氣雖微內攻有力焦骨傷筋血難復也

微數虛熱也故戒慎不可灸逐亦追也實謂熱也血散脉中言追逐之餘必至迫血血為榮而行脉中故謂散於脉中也火氣雖微已下甚言追逐之害大盖骨賴血以濡既失其所濡必枯而焦筋賴血以榮既亡以為榮必衰而傷殘伐其本源故也以此示人而近來人之以火灸陰虛發熱者猶比比焉竊見其無

有不焦骨傷筋而斃者吁
是豈正命哉可哀也已

西病人煩熱汗出則解又如瘧狀日晡所發熱者屬陽
明也脉實者宜下之脉浮虛者宜發汗下之宜大承氣
湯發汗宜桂枝湯

煩熱太陽也故脉浮虛而宜汗散如瘧狀謂熱之往
來猶瘧之作輟有時而不爽也晡日加申陽明之王
時也故脉實
而宜下解

五未持脉時病人手叉自冒心師因教試令欬而不欬
者此必兩耳聾無聞也所以然者以重發汗虛故如此

此訣人推測
病情之大法

夫病人不大便五六日繞臍痛煩燥發作有時者此有
燥屎故使不大便也

病人謂凡有病之人證犯有如此者則皆當如此而
治之之謂非獨以風寒之病爲言而已也此訣人辨
凡百胃實
之大旨

若病人小便不利大便乍難乍易時有微熱喘冒不能
臥者有燥屎也宜大承氣湯

小便不利所以大便有乍難乍易也時有微熱陽明
潮作也喘冒不能臥胃不和也故曰有燥屎方見

陽明篇

下同

大大下後六七日不大便煩不解腹滿痛者此有燥屎也宜大承氣湯

煩不解則熱未退可知腹滿痛則胃實可診故曰有燥屎已上三條皆訣人當下之大法

丸本發汗而復下之此爲逆也若先發汗治不爲逆本先下之而反汗之爲逆若先下之治不爲逆

復與覆同古字通用復亦反也猶言誤也與下文反汗之反同意蓋兩比而互相發明以訣人汗下之法

二凡病若發汗若吐若下若亡津液陰陽自和者必自愈

陰陽以脉言而二便在其中兩者和則血氣無相勝負可知故自愈可必此訣人持診之大要

辨霍亂病脉證并治第十

凡九條方三

一問曰病有霍亂者何答曰嘔吐而利名曰霍亂

霍吐也亂雜亂也靈樞曰清氣在陰濁氣在陽清濁相干亂於腸胃則爲霍亂是也

二問曰病發熱頭痛身疼惡寒吐利者此屬何病答曰

此名霍亂自吐下又利止更復發熱也

發熱頭痛身疼惡寒外感也吐利內傷也上以病名求病證此以病證實病名反覆詳明之意

三傷寒其脉微澀者本是霍亂今是傷寒却四五日至陰經上轉入陰必利本嘔下利者不可治也欲似大便而反失氣仍不利者屬陽明也便秘十三日愈所以然者經盡故也

轉失皆見陽明篇 本根原也言根因原起自霍亂也本嘔意同

下利後便當鞭鞭則能食者愈今反不能食到後經中頗能食過一經能食過之一日當愈不愈者不屬陽明

也

此申上文未
節而言其詳

四霍亂頭痛發熱身疼痛熱多欲飲水者五苓散主之
寒多不用水者理中丸主之

理中丸方

人參

三兩

白朮

三兩

甘草

三兩

乾薑

三兩

右四味搗篩爲末蜜和丸如雞黃大以沸湯數合和一

九研碎溫服之日三四夜二服腹中未熱益至三四丸然不及湯湯法以四物依兩數切用水八升煮取三升去滓溫服一升日三服

此申上文而出其治熱多欲飲水者陽邪勝也寒多不用水者陰邪勝也五苓散者水行則熱洩是亦兩解之謂也理治也料理之謂中裏也裏陰之謂參朮之甘溫裏也甘草甘平和中也乾薑辛熱散寒也五苓散方見太陽上

加減法

若臍上築者腎氣動也去朮加桂四兩

腎氣動欲作奔豚也去朮腎惡

燥也加桂以其能伐腎邪而泄奔豚然非枝也

吐多者去朮加生薑三兩

吐氣

逆也朮能壅氣故去之薑能散氣所以為嘔吐之聖藥也

多者還用朮悸者加

茯苓二兩

下多濕勝也復用朮朮能燥濕濕燥則下斷也悸以飲水過度言水停之故也加茯苓

苓水行則悸愈也

渴欲得水者加朮足前成四兩半

渴脾虛也加朮

緩脾也

腹中痛者加人參足前成四兩半

腹中痛裏虛也加人參補

中也寒者加乾薑足前成四兩半

寒以不用水之甚者言乾薑辛熱而能散

寒非稱權則不可也

腹滿者去朮加附子一枚服湯後如食頃

飲熱粥一升許微自溫勿發揭衣被

氣滯則腹滿朮甘而壅故去之

附子辛散故加之飲熱粥亦助藥力也自溫亦取微
欲似汗之意勿發揭衣被防重感也 案此用術去
術術上皆無白字何哉蓋由文次句中上無空隙故
雖有狂妄竟不能於此加毫末而經之真原昭然猶
存則他術之有白出於偽妄不待言而明矣然於偽
妄之疎愚亦可以見也君子察微觀人於其所忽信
哉

吐利止而身痛不休者當消息和解其外宜桂枝

湯小和之

吐利止裏和也身痛表退而新虛也消息猶言斟酌也桂枝湯固衛以和表者也小

和言少少與服不令過度之意也

五吐利汗出發熱惡寒四肢拘急手足厥冷者四逆湯

主之

吐利四肢拘急手足厥冷裏陰虛也汗出發熱惡寒
表陽衰也四逆湯表裏合救之劑也方見太陽下

同下

六既吐且利小便復利而大汗出下利清穀內寒外熱
脉微欲絕者四逆湯主之

此與上條大同小異
而義同故治亦同

七吐已下斷汗出而厥四肢拘急不解脉微欲絕者通
脉四逆加豬膽汁湯主之

通脉四逆加豬膽汁湯方

於四逆湯方內加豬膽汁半合餘依四逆湯法

已止也下即利也斷絕也此總上文言吐利兩皆止絕而又以其餘證之不解者更治以出也不解之證者陽極虛陰極甚脾氣亦衰微也然極則劇矣通脉四逆加豬膽汁者與少陰白通同一反佐以疏劇則正治反格拒之意也

八惡寒脉微而復利利止亡血也四逆加人參湯主之
四逆加人參湯方

於四逆湯方內加人參一兩餘依四逆湯法

亡血津液竭也
人參能生津也

九吐利發汗脉小煩者以新虛不勝穀氣故也

此與下篇末條詳畧不一而義則同亦互意也

辨陰陽易差後勞復脉證并治第十一

凡七條方四

一傷寒陰陽易之爲病其人身體重少氣少腹裏急或引陰中拘攣熱上衝胃頭重不欲舉眼中生花膝脛拘急者燒視散主之

燒視散方

右取婦人中視近隱處剪燒灰以水和服方寸匕日

三服小便即利陰頭微腫則愈婦人病取男子視當燒灰

少腹之少去聲 傷寒包中風而言也易猶交易變易之易言大病新差血氣未復強合陰陽則二氣交感互相換易而爲病也身體重少氣真元虧竭而困倦也少腹裏急或引陰中拘攣者所易之氣內攻也熱上衝胃頭不欲舉眼中生花者虛陽生熱而上蒸也膝脛拘急者脉亂而筋傷也視當近隱處陰陽二氣之所聚也男女易用物各歸本也

二大病差後勞復者枳實梔子豉湯主之若有宿食者加大黃如博碁子五六枚

枳實梔子豉湯方

枳實

炙三枚

梔子

十四枚

豉

一升

右三味以清漿水七升空煮取四升內枳實梔子煮取

二升下豉更煮五六沸去滓溫分再服覆令微似汗

大病槩言也下倣此勞強力房勞復重復作病蓋大邪初退血氣新虛作強勞傷虛而生熱猶之病復發非實發初病也枳實寬中破結梔子散熱除煩豉能解虛勞之熱清漿則又梔子之監制故協三物之苦寒同主勞傷之復熱而與藥初病之實熱不同倫也宿食陳宿之積食也食能生熱故須去之大黃者去陳以致新也

三傷寒差已後更發熱者小柴胡湯主之脉浮者以汗解之脉沉者以下解之

此示病後不謹調理小復之大法脉浮有所重感也脉沉飲食失節也

四大病差後從腰已下有水氣者牡蠣澤瀉散主之

牡蠣澤瀉散方

牡蠣

熬

澤瀉

枯薑根

蜀漆

洗去脚

葶藶

熬

商陸根

海藻

洗去鹹已上各等分

右七味異搗下篩爲散更入臼中治之白飲和服方寸匕小便利止後服

水氣肌肉腫滿而虛浮蓋差後新虛土未強而水無制也從腰已下而不及上者水性就下勢之初起故雖泛濫未至於橫溢也牡礪澤海藻鹹以走腎腎強則水行葶蘆商陸根苦以利濕濕去則腫沒蜀漆辛而能散故爲諸品之佐也栝蒌根苦能微熱本乃蜀漆之使也

五大病差後喜唾久不了了者胃上有寒當以丸藥溫之宜理中丸

唾口液也寒以飲言不了了謂無已時也方見前

六傷寒解後虛羸少氣氣逆欲吐者竹葉石膏湯主之

竹葉石膏湯方

竹葉 二把

石膏 一斤

半夏 半升

洗

人參

三兩

甘草

二兩

粳米

半升

麥門冬

一升
去心

右七味以水一斗煮取六升去滓內粳米煮米熟湯成

去米溫服一升日三服

羸音雷 羸病而瘦也少氣謂短氣不足以息也氣逆欲吐飲作惡阻也蓋寒傷形故寒解則肌肉消削

而羸瘦熱傷氣故熱退則氣衰耗而不足病後虛羸
脾胃未強飲食難化則痰易生痰湧氣逆故欲吐也
竹葉清熱麥冬除煩人參益氣甘草生肉半夏豁痰
而止吐粳米病後之補劑石膏有微上微下之功故
能佐諸品而
成補益也

七病人脉已解而日暮微煩以病新差人強與穀脾胃
氣尚弱不能消穀故令微煩損穀則愈


脉已解邪悉去而無遺餘也日暮陽明之王時也強
與穀謂壓其進食也損言當節減之也蓋飲食節則
脾胃和脾胃和則百體安
此調理病餘之要法也

右經十一篇法三百九十七方一百一十三蓋仲景

氏之遺書而叔和所詮次之者也傳謂世稱仲景醫
聖良以仲景者集醫哲之大成而是書者正醫教之
大訓也初學之士舍是則無以爲入道之門而敦進
德之基矣故夫篤志斯道者亦曰必由是而學焉則
亦庶乎其不差而於人已不致悞馴是以往誠能至
於仁熟義精道久化成不但人無枉命而已亦無慚
德則帝伯之堂可升有農之神可繼豈不偉哉

三百九十七者今移

六條在第十五篇



傷寒論條辨卷六

欽定四庫全書

子部

傷寒論條辨卷七

詳校官太醫院醫士臣程泰

編修臣倉聖脈覆勘

總校官知縣臣繆琪

校對官助教臣胡予襄

謄錄監生臣張麟書

欽定四庫全書

傷寒論條辨卷七

辨痙濕暍病證第十二

明方有執撰

此篇相傳謂爲叔和述仲景金匱之文雖遠不可
考觀其揭首之辭信有之也然既曰以爲與傷寒
相似而致辨焉則亦述所當述者是故後人稱之
爲仲景之徒云

傷寒所致太陽瘧濕暍三種宜應別論以爲與傷寒相
似故此見之

瘧見太陽上篇暍音謁下同瘧見下素問諸瘧項
強是也濕雷潤不乾也天之雨露上濕也地之水潦
下濕也人之汗液身中之濕也凡著雷潤經久不乾
皆能致病傷濕之謂也暍傷暑也史記禹扇暍淮南
子武王陰暍人于櫟下左擁而右扇之是也叔和之
意蓋謂三者皆風寒之變證既成變證則當別爲立
論然自風寒變來本屬太陽猶有風寒涉似
之疑須當併爲辨論故揭已意而述之如左

○太陽病發熱脉沉而細名曰瘧

此揭瘧之狀發熱太陽未除也沉寒也細濕也中風
傷寒病猶在太陽而脉變如此者則是重感寒濕而

變瘧不可仍以中風
傷寒稱也詳見下

○太陽病發汗太多因致瘧

此承上條復原變瘧之由千金曰太陽中風重感寒濕則變瘧然則發汗太多者重感寒濕而變瘧之原因也蓋中風自汗傷寒發汗汗出過多衣被必濕濕勝寒生過時不更汗後新虛易於感受濕漬寒侵滲注關節所以有瘧之變也不然臥太陽病而發汗安得別有所謂寒濕而可以爲重感哉

○太陽病發熱汗出不惡寒者名曰柔瘧

此以中風而致變言汗出不惡寒風傷衛也柔風性柔緩也

○太陽病發熱無汗反惡寒者名曰剛瘧

此以傷寒而致變言無汗反惡寒寒傷榮也剛寒性勁急也

○病身熱足寒頸項強急惡寒時頭熱面赤目脉赤獨

頭面搖卒口噤背反張者瘧病也

卒清勿切噤羣彰切此以瘧之具證言身熱頭熱面赤目脉赤陽邪發於陽也足寒陰邪逆於陰也獨頭面搖者風行陽而動於上也卒忽然也噤寒而口閉也蓋口者脾之竅胃爲脾之合而脉挾口環唇脾虛胃寒故忽然唇口脗合噤急而飲食不通也背反張者太陽之脉挾背故寒則筋急而拘攣熱則筋緩而縱弛也然剛柔二瘧則各見證之一偏惟風寒俱有而致變者則具見也瘧止此

詳見瘧書

○濕家之爲病一身盡疼發熱身色如似熏黃

一身盡疼者人身之土內則主脾胃外則主肌肉土惡濕濕自外入肌肉先傷也發熱濕鬱而蒸也熏黃者土本黃色濕則昏滯故薰暗而不明也

○濕家病身上疼痛發熱面黃而喘頭痛鼻塞而煩其脉大自能飲食腹中和無病病在頭中寒濕故鼻塞內藥鼻中則愈

塞心勿切內音納此以上濕言亦風濕也身上疼痛與上條互詞面黃喘煩脉大者風爲陽而陽受之也能飲食者陽能化穀所以胃和而裏無病也病在頭已下申上文之意寒以濕之性言鼻氣通於天故邪獨甚而專主治也

○濕家其人但頭汗出背強欲得被覆向火若下之早則噦胃滿小便不利舌上如胎者以丹田有熱胃中有寒渴欲得水而不能飲則口燥煩也

強上聲 此以下濕言亦寒濕也但頭汗出者寒爲陰陰邪客於陰陽上越而不通於下也背強欲得被覆向火者太陽之脉俠背居膕北最爲畏寒寒濕之陰邪注經絡滲骨髓所以筋脉牽急而惡寒甚也噦胃滿者凡在太陽下早皆然也丹田下焦也胃中上焦也熱在下而寒在上所以渴欲得水反逆而不能飲且又亡津液所以口乾燥而內作煩惋也

○太陽病關節疼痛而煩脉沉而細者此名濕痺之候

其人小便不利大便反快但當利其小便

此以濕之入裏者言關節疼痛者寒濕之氣走注內
滲所以脉沉而細也痺以疼痛言小便不利大便反
快者濕即水甚則橫流不遵故道妄逆而暴亂
也利其小便者導其遵故道而行禹之治功也

○病者一身盡疼發熱日晡所劇者此名風濕此病傷
於汗出當風或久傷取冷所致也

發熱日晡所劇者陽明主胃而屬土土主濕所以熱
甚於陽明之王時也然汗出當風而爲風濕則是以
身中之濕言此其所以陽明王而熱則劇
與久傷取冷與夏月傷於冷水之意同

○問曰風濕相搏一身盡疼痛法當汗出而解值天陰

雨不止醫云此可發汗汗之病不愈者何也答曰發其汗汗大出者但風氣去濕氣在是故不愈也若治風濕者發其汗但微微似欲汗出者風濕俱去也

此承上條復設問答而喻治陰雨不止則濕不除所以益當發汗也然風濕本由汗出當風而得則汗之大出者必反濕轉加甚可知也微微似欲汗出而不見出則濕消而風散矣此固發汗之微機後之動輒以大汗為言者其去道奚啻尋常而已哉

○濕家下之額上汗出微喘小便利者死若下利不止者亦死

額上汗出微喘者陽亡於上也小便利與下利不止者陰脫於下也然治濕當利其小便而以小便利主死何也誤治而陰陽散亡也濕止此

○太陽中熱者暍是也其人汗出惡寒身熱而渴也

蒸熱謂之暑傷暑謂之暍汗出惡寒者太陽表不固也身熱者暑邪傷陽也渴者亡津液而內燥也然渴爲內證太陽主表而有渴何也炎暑之時陽浮外越人之津液本少渴爲常事况更汗出而重亡津液乎且太陽溫病已有渴又况暍乎

○太陽中暍者身熱疼重而脉微弱此亦夏月傷冷水水行皮中所致也

身熱疼重而曰夏月傷冷水水行皮中所致者土主肌肉而惡濕水滲土而蒸發也脉微弱者熱則血乾而氣耗也然夏日則飲水古人之常事而曰傷何哉良由暑迫飲之過多或得之澡洗暑反內入也然則庸俗以當盛暑時濯流飲泉而得身熱疼重遽謂爲閉水傷寒者水具暑之訛而傷寒則浮謠之謬也

○太陽中暍者發熱惡寒身重而疼痛其脉弦細訖遲小便已灑灑然毛聳手足逆冷小有勞身卽熱口開前板齒燥若發汗則惡寒甚加溫鍼則發熱甚數下之則淋甚

數音速 發熱惡寒身重而疼痛總上文具證而言下乃申其詳而致戒也弦細訖遲亦詳微弱之意小

便已灑灑然毛聳者陰虛而寒內作也手足逆冷者陽熱內陷也小有勞身即熱者陽虛氣怯不勝力任之甚也口開者熱甚也故反則噤是也前板齒燥者陽明熱甚而津液乾也惡寒甚者以虛其表也發熱甚者以擾其陽而損其陰也淋甚者損其陰而津液竭也言三法皆不可也然則治之奈何金匱治暍以白虎加入參湯白虎有嘯則生風之能薦涼解秋之義人參有益陽補虛之用生津止渴之功是故通寒暑而妙應神矣哉所謂方而世爲萬病祖者此之謂也

辨脉法上篇第十三

此篇已下皆叔和述仲景之言附已意以爲贊經之辭譬則翼焉傳類也篇目舊名平脉次第二而

僭經右夫傳不可以先經論脉亦無先各脉而後
平脉之理且平脉不過前數條冒事必如此耳後
亦各脉安得直以平脉名篇皆非叔和之舊其爲
後人之紛更明甚是故重考訂而次序如今

問曰脉有三部陰陽相乘榮衛血氣在人體躬呼吸出
入上下於中因息遊布津液流通隨時動作效象形容
春弦秋浮冬沉夏洪察色觀脉大小不同一時之間變
無經常尺寸參差或短或長上下乖錯或存或亡病輒

改易進退低昂心迷意惑動失紀綱願爲具陳令得分明師曰子之所問道之根原脉有三部尺寸及關

參音攬差穿之切爲去聲令平聲根原者言人之五藏六府吉凶死生皆取決於脉所以爲斯道之根本淵源也孫思邈曰從肘腕中橫文至掌魚際後文却而十分之而入取九分是爲尺從魚際後文却還度取十分之一則是寸寸十分之而入取九分之中則寸口也關界尺寸之間古無定說朱子曰俗傳脉訣詞最鄙淺非叔和書明甚乃能直指高骨爲關似得難經本旨然則關有定位自脉訣始滑氏曰寸爲陽爲上部主頭項已下至心胃之分也關爲陰陽之中爲中部主臍腹肱脇之分也尺爲陰爲下部主腰足脛股之分也此寸關尺爲三部之說也

榮衛流行不失衡銓

榮當作營見馬氏素問註證發微

素問曰榮者水穀之精氣也和調於五藏洒陳於六府乃能入於脉也故循脉上下衛者水穀之悍氣也其氣慄疾滑利不能入於脉也故循皮膚之中分肉之間雖經三十二難曰人受氣於穀穀入於胃乃傳於五藏六府五藏六府皆受於氣其清者為榮濁者為衛榮行脉中衛行脉外靈樞同而紀氏云素問曰榮者水穀之精氣則清衛者水穀之悍氣則濁精氣入於脉中則濁悍氣行於脉外則清然則三經之文雖少別而其旨則同清濁之分雖殊而其為氣則一夫榮衛之為榮衛如此然三十二難又曰心者血肺者氣血為榮氣為衛榮行脉中衛行脉外行中行外雖同而榮則又以血言言心肺而不言水穀故王氏曰清者體之上也陽也火也離中之一陰降故午後一陰生即心之生血也故曰清氣為榮濁者體之下也陰也水也坎中之一陽升故子後一陽生即腎之生氣也故曰濁氣為衛滑氏曰以用而言則清氣為

正也常久也亦經也言平人之脉以如此合四時為正通常而可久也說文十黍之重曰銖六銖為一分蓋指脉之以三菽六菽約輕重而言也然言四藏而不言脾者脾之平和不可得見故其經常不可言欲人當自推也

出入升降漏刻周旋水下二刻一周循環

出而升氣之上來也入而降氣之下去也漏刻以一日一夜漏水下百刻而言也周旋以周身之流行旋轉而言也下二句乃申上文而詳言之也滑氏曰內經平人氣象論云人一呼脉再動一吸脉再動呼吸定息脉五動閔以太息命曰平人故平人一呼脉行三寸一吸脉行三寸呼吸定息脉行六寸以呼吸之數言之曰一夜凡一萬三千五百息每刻一百三十五息每二刻二百七十息脉行一十六丈二尺為

一周身也積而盈之每時八刻計一千八十息脉行六十四丈八尺榮衛四周於身十二時九十六刻計一萬二千九百六十息脉行七百七十七丈六尺為四十八周身刻之餘分得五百四十息脉分行二周身得三十二丈四尺合一萬三千五百四十息總之為五十度周身脉得八百一十丈也此呼吸之息脉行之數周身之度合晝夜百刻之詳也

當復寸口虛實見焉

見音現 滑氏曰寸口謂氣口也居手大陰魚際却行一寸之分氣口之下曰關曰尺云者皆手大陰所歷之處而手太陰又為百脉流注朝會之始也此承上文而言脉行周身五十度又當復始於寸口所以謂之循環也
虛實見下

變化相乘陰陽相干風則浮虛寒則牢堅沉潛水畜支
飲急弦動則爲痛數則熱煩

凡脉言數皆音朔此承上文而言虛實所見之目
病脉之大端也乘因也干犯也言脉之變化相因而
乘由陰陽之邪相干而犯下文乃所乘所干之目風
為陽邪浮虛者陽主外也寒為陰邪牢堅者陰主內
也水飲皆痰之異名以其聚於內故曰水畜沉潛內
伏也以其薄於外故曰走飲急弦外暴也浮沉牢弦
皆脉名虛堅潛急非脉名也乃形容惟其浮則虛弱
牢則堅強沉所以潛弦所以急之謂也動陰陽相搏
而然也搏聚不散所以痛也數
急疾也陽盛則數所以熱煩也

設有不應知變所緣三部不同病各異端

此言虛實之見固有如上文所言者然不可執一以拘設或脉與病有如此而相應者則又當察識其別有傳變之緣故況三部所屬不同則變端亦各自有異豈所言之數者可以為一定之限哉

太過可怪不及亦然邪不空見中必有奸審察表裏三焦別焉知其所舍消息診看料度藏府獨見若神爲子條記傳與賢人

見音現別必列切度達各切為去聲傳如字 太過不及總虛實而言也怪非常也言二者不常見見則當知其為怪異也奸傷犯也難經曰上焦者在心下下膈在胃上口主內而不出其治在膻中玉堂下一寸六分直兩乳間陷者是中焦者在胃中脘不上不下主腐熟水穀其治在臍傍下焦者當膀胱上口主

分別清濁主出而不內以傳道也其治在臍下一寸故名三焦舍謂病邪客止之處所也此條乃設問答以數陳脉道之大槩故爲首章以發明診家入式之始事此節乃總結上文以起下條示學者當通此以達彼因畧以致詳之意也

○師曰呼吸者脉之頭也

呼者氣之出脉之來也吸者氣之入脉之去也頭頭緒也脉隨氣之出入而來去名狀雖多呼吸則其源頭也然脉有二此以尺寸之脉言若以周身言之則循環無端截不斷無頭尾之可言學者當別識脉經無吸字

初持脉來疾去遲此出疾入遲名曰內虛外實也初持

脉來遲去疾此出遲入疾名曰內實外虛也

劉氏曰來者自骨肉之分而出於皮膚之際氣之升而上也去者自皮膚之際而還於骨肉之分氣之降而下也出呼而來也入吸而去也經曰來者為陽去者為陰此之謂也疾即上條之太過亦陽也遲即上條之不及亦陰也然則內虛外實者陰不及陽太過也內實外虛者陰太過而陽不及也然來去出入者脉之大關鍵也內外虛實者病之大綱領也知內外之陰陽而明其孰為虛孰為實者診家之切要也為此條以次首條者示學者下手工夫之急務也

○問曰上工望而知之中工問而知之下工脉而知之願聞其說師曰病家人來請云病人苦發熱身體疼痛病

人自臥師到診其脉沉而遲者知其差也何以知之表有病者脉當浮大今脉反沉遲故知愈也

沉遲屬陰故知表邪已解也

假令病人云腹內卒痛病人自坐師到脉之浮而大者知其差也何以知之若裏有病者脉當沉而細今脉浮大故知愈也

凡假令之令皆平聲卒清勿切卒痛言倉遽作痛也浮大屬陽故知裏邪已散也此條上設三問下二節苦發熱身體疼腹內卒痛言問坐臥言望末決言知病於脉所以示診家三者不可闕一之意也

○問曰病家人來請云病人發熱煩極明日師到病人向壁臥此熱已去也設令脉不和處言已愈

凡設令之令與假令之令同處言之處皆上聲明日到則病有進退可知矣故於其向壁臥則可以擬其安而熱已去也脉不和言雖未至於平靜亦無躁疾之謂也此與上條大意畧同

設令向壁臥聞師到不驚起而盼視若三言三止脉之嚙唾者此詐病也設令脉自和處言此病大重當須服吐下藥鍼灸數十百處乃愈

盼音係 此復喻人恐足以勝詐覺人勿售欺之意盼恨視貌

○師持脉病人欠者無病也

張口氣悟為欠然陰陽相引則欠故無病可知也

脉之呻者病也

呻呻吟苦聲

言遲者風也

舌強則言遲經絡牽急則舌強筋攣則經絡拘急肝屬木其合筋其主風

搖頭者裏痛也

頭屬陽裏屬陰頭搖者陰不與陽和也

行遲者表強也

表以經絡言
強以拘急言

坐而伏者短氣也

短氣者裏
不足也

坐而下脚者腰痛也

下脚欲求
伸舒之意

裏實護腹如懷卵物者心痛也

懷卵物猶言自冒其心之謂
此條八節皆望而知之之事

○師曰伏氣之病以意候之今月之內欲有伏氣假令舊有伏氣當須脉之若脉微弱者當喉中痛似傷非喉痺也病人云實咽中痛雖今復欲下利

伏氣者舊有外感不即發而伏藏於經中之氣也今月之內欲有伏氣疑有錯誤微弱少陰之脉也少陰之脉從腎上貫肝膈入肺中循喉嚨故喉中痛也然咽痛下利皆少陰證故病人雖言實痛亦當知其欲自下利也

○問曰人病恐怖者其脉何狀師曰脉形如循絲累累然其面白脫色也

恐怖惶懼也。循理治也。絲言細也。累累聯絡貌。脫色猶言失色也。蓋內氣餒者則外色奪。所以有卒然之變也。

○問曰人不飲其脉何類。師曰脉自澀唇口乾燥也。

血少則脉澀。所以唇口乾燥。然此以不飲而然。非由此而不飲也。

○問曰人愧者其脉何類。師曰脉浮而面色乍白乍赤。愧慙也。脉浮而面色乍白乍赤者神遊不定。故血氣亂而變不一也。

○問曰經說脉有三菽六菽重者何謂也。師曰脉者人以指按之如三菽之重者肺氣也。如六菽之重者心氣

也如九菽之重者脾氣也如十二菽之重者肝氣也按之至骨者腎氣也

經難經也菽大豆也滑氏曰肺最居上主候皮毛故其脉如三菽之重心在肺下主血脉故其脉如六菽之重脾在心下主肌肉故其脉如九菽之重肝在脾下主筋故其脉如十二菽之重腎在肝下主骨故其脉按之至骨腎不言菽以類推之當如十五菽之重蓋五藏以上下之次第而居故其氣之至離皮膚有如此遠近之約摸乃越人教人如此用指着意候按而取診耳輕重以下指之法言故何氏曰越人云菽大抵是箇約摸的法見得輕重有差等非真如菽之重也然此條言氣難經言部部者一定之部位而氣在其中氣者元氣穀氣之精而部位亦在不言之表也虞氏有言假令左手寸口如三菽之重得之乃知

肺氣之至如六菽之重得之知本經之至虞氏以氣推明越人言外之意如此然則此條以氣言者豈非發明難經此意於虞氏未言之先歟不然既曰經說不易其部字也雖然難經有與皮毛相得者與血脉相得者與肌肉相得者與肝平者舉指來疾者五句在各起句重字下而此無之則是難經詳而此畧參看則義全

○問曰脉有相乘有縱有橫有逆有順何也師曰水行乘火金行乘木名曰縱火行乘水木行乘金名曰橫水行乘金火行乘木名曰逆金行乘水木行乘火名曰順也

縱橫皆平聲 乘猶乘舟車之乘 縱直也 橫者縱之對 順從也 逆者順之反 水能尅火而乘火 金能尅木而乘木 乘其所勝 其事易直 故曰縱火受制於水而反乘水 木受制於金而反乘金 侮所不勝 其事不直 故曰橫水生於金而反乘金 火生於木而反乘木 子來犯母 其勢悖 故曰逆 金能生水而乘水 木能生火而乘火 母之及子 其勢從 故曰順 也 上條言脉原於五藏 合二五而成 部位之次第 乃推明脉之所以始也 此條言脉具五行 刑生制化之義 乃五藏六府吉凶死生之樞機 脉之大要也 而其所以為斯道之根源矣 見源可

○問曰脉有殘賊何謂也師曰脉有弦緊浮滑沉澹此六者名曰殘賊能為諸脉作病也

殘傷也賊害也浮滑陽盛也沉濇弦緊陰盛也陽盛為太過陰盛為不及皆可怪之脉能傷害血氣者也諸脉謂各部之脉也作起也言六者若見於各部之脉中則皆能為其部生起病端如太陽之為病脉浮傷寒脉陰陽俱緊之類所謂邪不空見者此之謂也

○問曰脉有災怪何謂也師曰假令人病脉得太陽與形證相應因為作湯比還送湯如食頃病人乃大吐若下利腹中痛師曰我前來不見此證今乃變異是名災怪又問曰何緣作此吐利答曰或有舊時服藥今乃發作故名災怪耳

此勉醫家病家當兩相敬慎
庶不為災怪致生疑累之意

○問曰東方肝脉其形何似師曰肝者木也名厥陰其
脉微弦濡弱而長是肝脉也肝病自得濡弱者愈也

凡脉言濡皆讀輒微非脉名蓋脉以有胃氣為吉
微微之弦有胃氣之謂也難經曰春脉者肝也東方
木也萬物之所以始生也故其氣來柔弱輕虛而滑
端直以長故曰弦蓋肝主筋故其脉如此此述素難
而成文素難詳而
此畧且多錯誤

假令得純弦脉者死何以知之以其脉如弦直是肝藏
傷故知死也

純弦即素難所謂真肝脉至如弦直即素難所謂中
外急如循刀刃責責然如按琴瑟弦如新張弓弦是
也

南方心脉其形何似師曰心者火也名少陰其脉洪大
而長是心脉也心病自得洪大者愈也

心主血脉其王在夏故其脉洪大而長應萬物盛長
之象也然素難皆言心脉鈎鈎以性情言洪大而長
以體
勢言

假令脉來微去大故名反病在裏也脉來頭小本大者
故名覆病在表也上微頭小者則汗出下微本大者則

為關格不通不得尿頭無汗者可治有汗者死

尿與溺同 反覆鈎之反覆也此條下文
脫二節錯一節在前此節亦疑多錯誤

西方肺脉其形何似師曰肺者金也名太陰其脉毛浮

也肺病自得此脉若得緩遲者皆愈若得數者則劇何

以知之數者南方火火剋西方金法當癰膿為難治也

肺主皮毛上為華蓋故脉毛浮緩遲者脾土之脉也
兼得緩遲為愈者肺金得土為逢生也法當癰膿者
金逢火化也 此下當有如上文
假令云云之轉語一節疑脫落

假令下利寸口關上尺中悉不見脉然尺中時一小見

脉再舉頭者腎氣也若見損脉來至為難治

下利屬少陰損脉自上下由肺而之腎為極故腎病見損脉為難治此上當有北方腎脉其形何似云云問答起語一節此乃其下文轉語一節也舊錯在第十一條前今移

○問曰二月得毛浮脉何以處言至秋當死師曰二月之時脉當濡弱反得毛浮者故知至秋死二月肝用事肝脉屬木應濡弱反得毛浮者是肺脉也肺屬金金來剋木故知至秋死他皆倣此

應平聲 此承上條復以四時脉氣屬五行生剋應病以主吉凶死生之理揭一以例其餘所以示人持

診之要法也

○師曰脉肥人責浮瘦人責沉肥人當沉今反浮瘦人當浮今反沉故責之

責求也肥人當沉者肌膚厚其脉深也故求其病於浮瘦人當浮者肌膚薄其脉淺也故求其病於沉褚氏曰肥人如沉而正沉者愈沉瘦人如浮而正浮者愈浮此之謂也

○師曰寸脉下不至關爲陽絕尺脉上不至關爲陰絕此皆不治決死也若計其餘命死生之期期以月節剋之也

寸為陽陽生於尺而動於寸故下不至關為陽絕尺為陰陰生於寸而動於尺故上不至關為陰絕言生息斷絕也餘命謂未盡之天年也上期日期也下期期約也月節剋之與前條二月得毛浮脉至秋死同推

○師曰脉病人不病名曰行尸以無王氣卒倒眩仆不識人者短命死人病脉不病名曰內虛以無穀神雖困無苦

王去聲卒清勿切周氏曰形體之中覺見憔悴精神昏憤食不忻美而脉得四時之從無過不及之偏是人病脉不病也形體安和而脉息乍大乍小或至或損弦緊浮滑沉澀不一殘賊冲和之氣是脉息不

與形相應乃脉病人不病也經曰形氣有餘脉氣不足者死行尸之謂也又曰人受氣於穀穀入於胃乃傳於五藏六府五藏六府皆受於氣然則內虛以無穀神者穀氣弗充之謂也

○問曰翕奄沉名曰滑何謂也沉爲純陰翕爲正陽陰陽和合故令脉滑關尺自平陽明脉微沉食飲自可少陰脉微滑滑者緊之浮名也此爲陰實其人必股內汗出陰下濕也

合音閣令平聲翕起而盛動於上旋復叢聚而合也與論語始作翕如之翕同奄忽然覆也沉沒於下也純陰以其沒於下言也正陽以其盛於上言也和合言陰陽併集無偏勝也陽明胃也食飲自可言胃

不病也少陰腎也微滑水沉如石之滑故謂緊之浮名也陰實言邪在腎也少陰之脉出腠內廉上股內貫脊屬腎腎主水滑為陽陽主熱陽陷入陰熱鬱而蒸發所以股內汗出而陰下濕也

○問曰曾為人所難緊脉從何而來師曰假令亡汗若吐以肺裏寒故令脉緊也假令欬者坐飲冷水故令脉緊也假令下利以胃中虛冷故令脉緊也

難去聲 此條一問三答以揭緊之為寒而有三因之不同以見脉非一途而可取之意

○寸口衛氣盛名曰高榮氣盛名曰章高章相搏名曰

綱

難經曰寸口者脉之大會手太陰之脉動也五藏六府之所終始故法取於寸口是也高者豐隆而有充滿之貌章者文采而有潤澤之貌網言血氣俱盛則脉有網維之意

衛氣弱名曰慄榮氣弱名曰卑慄卑相搏名曰損

慄音慄 慄震懼也言衛氣不足者則心常自怖卑伏下也言榮氣不足者則心常自抑損減也傷也言榮衛俱弱外不足以固護內不足以榮養則藏府為之有所減而傷損也

衛氣和名曰緩榮氣和名曰遲遲緩相搏名曰沉

緩縱也言榮不與衛和而衛自和則血不足以榮筋病則四肢縱弛而不能收痿類是也遲滯也言衛不與榮和而榮自和則氣乏神昏病則百體滯殫倦怠而嗜臥瘵類是也沉溺也言溺於所偏則病也

○寸口脉緩而遲緩則陽氣長其色鮮其顏光其聲商
毛髮長遲則陰氣盛骨髓生血滿肌肉緊薄鮮鞭陰陽
相抱榮衛俱行剛柔相搏名曰強

緩以候胃遲以候脾陽氣長者言胃氣有餘也顏色
聲音毛髮皆陽也鮮麗也光輝也商清也長美也形
容胃陽之有餘也陰氣盛者言脾氣充足也骨髓血
肉皆陰也緊薄結也鮮鞭堅也形容脾陰之充足也
相抱言和洽也俱行言周流也相搏言合一也極言
二氣得其和平皆由脾胃盈餘之所致如此則其人
健王而強壯
故曰強也

○跌陽脉滑而緊滑者胃氣實緊者脾氣強持實擊強

痛還自傷以手把刃坐作瘡也

跌陽在足跗上骨間動脉處去陷谷三寸一名會元主脾胃也滑為食故在胃則主穀氣實緊為寒故在脾則主邪氣強持實擊強言胃實脾強兩相搏擊而為病譬則以手把刃而自傷蓋謂非由別藏府而傳也變

○寸口脉浮而大浮為虛大為實在尺為關在寸為格關則不得小便格則吐逆

素問曰精氣奪則虛邪氣勝則實尺以候陰關閉也不得小便者陰閉於下則內者不得出也格拒也吐逆者陽拒於上則外者不得入也

○跌陽脉伏而濇伏則吐逆水穀不化濇則食不得入
名曰關格

跌陽見前主候脾胃故復言
此以見與上條有相符之意

○脉浮而大浮為風虛大為氣強風氣相搏必成隱疹
身體為癢癢者名泄風久久為痂癩

痂與胬同音加 素問曰外在腠理則為泄風又曰
泄風之狀多汗汗出泄衣上口口中乾上漬其風不能
勞事身體盡痛
則寒癩疥也

○寸口脉弱而遲弱者衛氣微遲者榮中寒榮為血血

寒則發熱衛為氣氣微者心內饑饉而虛滿不能食也

寒之為言虛也與貧之稱寒同虛寒發熱者血氣之在人身猶水火在天地水乾則火熾也饑而虛滿者陽主化穀衛陽衰微不化穀故虛滿而不能食也

跌陽脉大而緊者當即下利為難治

大為虛緊為寒脾胃虛寒故主下利為難治也

○寸口脉弱而緩弱者陽氣不足緩者胃氣有餘噫而吞酸食卒不下氣填於膈上也

填音田 陽氣以胃中之真氣言不足則不能化穀胃氣以胃中之穀氣言有餘言有宿實也有宿實則

鬱而生熱故噫飽而吞酸此
蓋以飲食之內傷者言也

○跌陽脉緊而浮浮為氣緊為寒浮為腹滿緊為絞痛
浮緊相搏腸鳴而轉轉即氣動膈氣乃下少陰脉不出
其陰腫大而虛也

腹滿者胃氣虛而邪氣實也絞痛者脾家寒而邪壅
滯也鳴者氣之鼓也轉則氣之運也下則氣之壅滯
者極甚而反也少陰之脉循陰器而主水脉不出其
陰腫大者正虛邪實水不得泄蓋跌陽之土敗而少
陰所以無制也

○寸口脉微而濇微者衛氣不行濇者榮氣不逮榮衛

不能相將三焦無所仰身體痺不仁榮氣不足則煩疼
口難言衛氣虛則惡寒數欠三焦不歸其部上焦不歸
者噫而酢吞中焦不歸者不能消穀引食下焦不歸者
則遺洩

數音朔噫音隘酢與醋同衛主氣不行言不用事
也榮主血不逮不及也不能相將言榮衛不相和諧
不能相與也仰依賴也痺頑痺也不仁言不知痛痺
不省人事也難言者心虛神短舌強而聲不出也惡
寒數欠者衛踈表不固不能禦寒所以氣乏而好為
欠也不歸其部言不還足其所有之分內也酢吞吞
酸也吞酸則受納妨矣不能消穀引食者言不司腐
熟也遺洩者言不司約制也蓋上焦主受納中焦主

腐熟下焦分清濁主出而專約制此甚言榮衛不相和諧致三焦皆失其常故各廢其所司之職事如此

○跌陽脉沉而數沉為實數消穀緊者病難治

沉以候裏故在脾胃則主實穀氣實也數為熱陽也
緊為寒陰也言跌陽主脾胃脾胃主穀穀氣實若脉
見數而陽熱勝陽能化穀雖病不足為害
若脉得緊而陰寒勝陰不化穀病為難治

○寸口脉微而濇微者衛氣衰濇者榮氣不足衛氣衰
面色黃榮氣不足面色青榮為根衛為葉榮衛俱微則
枝葉枯槁而寒慄欬逆唾腥吐涎沫也

首三句與前條差衰字然衰則不行不足亦不逮更
互發明者也氣為衛色本白白屬金黃土色也金生

於土金無氣色不顯故土之色反見也血為榮色本赤赤屬火青木色也火生於木火無氣色不明故木色反見也榮為根者言血榮於人身之內猶木之根本也衛為葉者言氣衛於人身之外猶木之枝葉也寒慄榮不足以養而衛亦不能外固也欬逆唾腥吐涎沫者氣不利而血亦不調也

○跌陽脉浮而芤浮者衛氣衰芤者榮氣傷其身體瘦肌肉甲錯浮芤相搏宗氣衰微四屬斷絕

芤音樞浮為氣虛故曰衛氣衰芤為失血故曰榮氣傷身體瘦者衛衰而形損也肌肉甲錯者榮傷而枯坼也宗氣三焦隧氣之一也鍼經曰宗氣積於胃中出於喉嚨以貫心脉而行呼吸是也四屬皮肉肌髓也蓋三焦乃氣之道路衛氣衰而榮氣傷所以宗氣亦衰微四屬不相維而斷絕也

○寸口脉微而緩微者衛氣踈踈則其膚空緩者胃氣實實則穀消而水化也穀入於胃脉道乃行水入於經其血乃成榮盛則其膚必踈三焦絕經名曰血崩

踈言不能固護衛主溫分肉肥腠理踈則分肉不溫腠理不肥故曰空也緩為胃氣有餘實猶言強也所以穀消而水化穀入於胃至其血乃成乃承上文而言水穀化消則胃益實而能淫精於脉以成其血而使榮盛榮盛則衛益衰故曰其膚必踈也三焦者氣之道路也經徑也絕經言血不歸經也崩山壞之名也陰血大下而曰崩者言其不能止靜與山壞之勢等也

○趺陽脉微而緊緊則為寒微則為虛微緊相搏則為

短氣

脾胃虛寒則不化穀短氣者穀氣不充而神氣不足也
已上叔和皆以寸口跌陽相間而成編者寸口為脉之大會五藏六府之所終始跌陽主脾胃吉凶死生之樞機係焉二部為脉道之切要一也

○少陰脉弱而濇弱者微煩濇者厥逆

弱為虛損而不足陰虛生內熱所以煩然屬少陰故雖煩亦微也濇為少血而不滑不能上與陽相順接所以厥而逆冷也

○跌陽脉不出脾不上下身冷膚鞭

脾不上下言其不能淫輸水穀之精氣以榮養於周身之上下也身冷膚鞭者脾胃主肌肉胃陽不為溫

而脾陰不
為潤也

○少陰脉不至腎氣微少精血奔氣促迫上入胃膈宗
氣反聚血結心下陽氣退下熱歸陰股與陰相動令身
不仁此為尸厥當刺期門巨闕

奔氣言厥氣上奔也尸厥言厥逆若尸之不溫也蓋
三焦主行呼吸反聚而呼吸不行則血結心阻遏陽
氣不得上升反下陷入於陰中與陰相搏而動陰寒
甚所以令人身體不仁而成尸厥也期門見太陽上
篇刺之所以散心下之血結也巨闕在上臑
上一寸五分刺之所以行宗氣之反聚也

○寸口脉微尺脉緊其人虛損多汗知陰常在絕不見

陽也

寸為陽微為虛陽虛則衛不固所以多汗汗多亡陽故曰絕不見陽也尺為陰緊為寒陰傷於寒則損以由陰損而病故曰知陰常在也

○寸口諸微亡陽諸濡亡血諸弱發熱諸緊為寒諸乘寒者則為厥鬱冒不仁以胃無穀氣脾瀯不通口急不能言戰而慄也

諸猶凡也微為氣虛故曰亡陽濡為陰虛故曰亡血發熱陰虛也諸乘寒者之諸指上文四句而總言之也鬱冒不仁已下詳厥而言也無穀氣厥則飲食不進也脾統血無血故瀯也口為脾之竅言心聲也心

主血血不榮則筋牽急而舌強
故不能言也戰而慄虛寒甚也

○問曰濡弱何以反適十一頭師曰五藏六府相乘故

令十一

此義未詳或曰濡弱者萬物之初始莫不皆先濡弱
適往也言五藏六府相乘而往反初皆濡弱故濡弱
者通該夫十一者
之首事未知是否

○問曰何以知乘府何以知乘藏師曰諸陽浮數為乘
府諸陰遲濇為乘藏也

浮數陽也以陽部而見陽脉故知乘府也
遲濇陰也以陰部而見陰脉故知乘藏也

辨脉法下篇第十四

問曰脉有陰陽者何謂也答曰凡脉大浮數動滑此名陽也脉沉濇弱弦微此名陰也凡陰病見陽脉者生陽病見陰脉者死

陰陽者通藏府血氣表裏虛實風寒寒熱而總言之也大浮數動滑皆陽之性能故見則為陽氣至可知也沉濇弱弦微皆陰之體段故見則為陰氣至可知也陰病三陰之屬也見陽脉則陰消而陽長陽主生故有生之兆先見可明也陽病三陽之類也見陰脉則陽退而陰進陰主殺故應死之機已著可審也夫道不外乎陰陽萬物生於陽氣至而死於陰令行者造化之樞機固如是也人亦化中之一物焉能外陰

陽而逃其生死乎聖賢為道之先覺故闡明生死神
道以設教衆人固於道昧而不能察故但醉生夢死
於形器之中而不可與言神聖工巧之妙矣學者誠
能致竭心思以盡力乎此則脉道之精微雖千緒萬
端大要此
其推也

○問曰脉有陽結陰結者何以別之答曰其脉浮而數
能食不大便者此為實名曰陽結也期十七日當劇其
脉沉而遲不能食身體重大便反鞭名曰陰結也期十

四日當劇

浮數能食皆陽也實謂胃家實陽以風言謂由中風
而結為實鞭也沉遲不能食身體重陰也鞭實互文

陰以寒言謂由傷寒而結
為胃實也七十四未詳

○問曰病有灑淅惡寒而復發熱者何答曰陰脉不足
陽往從之陽脉不足陰往乘之曰何謂陽不足答曰假
令寸口脉微名曰陽不足陰氣上入陽中則灑淅惡寒
也曰何謂陰不足答曰假令尺脉弱名曰陰不足陽氣
下陷入陰中則發熱也

陽先乎陰以陷入也故曰從諱之也陰隨於陽以上
入也故曰乘傷之也惡寒者陽不足以勝陰而與陰
俱化也發熱者陰不足以勝陽而從陽之化也上條
明陽明內實此明太陽發熱惡寒蓋申二脉而詳言

之也

○陽脉浮陰脉弱者則血虛血虛則筋急也

筋賴血以榮血虛則筋失其所榮潤故拘攣而急也

其脉沉者榮氣微也其脉浮而汗出如流珠者衛氣衰也榮氣微者加燒鍼則血流不行更發熱而躁煩也

沉以候裏榮行脉中故衰微可知浮以候表衛行脉外汗出如流珠則表不固故衰微可診榮氣微者已下申上文而言其失治之變流與從流下而亡反謂之流之流同行即循行周行之行也言榮本衰微則陰虛而有熱加以燒鍼則反助陽而損陰故血趨於流而不能循環陽得加助則益作熱而煩躁擾也

脉藹藹如車蓋者名曰陽結也脉累累如循長竿者名

曰陰結也

藹藹團聚貌如車蓋言浮旋於上也累累聯絡貌如循長竿言沉直於下也

脉腎腎如羹上肥者陽氣微也脉紫紫如蜘蛛絲者陽氣衰也脉綿綿如瀉漆之絕者亡其血也

腎音擎 腎過目腎見也羹上肥言輕浮而若有若無也紫紫猶繞繞也蜘蛛絲言柔弱而極細也成氏曰綿綿者連綿而軟也如瀉漆之絕者前大而後細也又曰陽氣前至陰氣後至則脉前為陽氣後為陰氣脉來前大後細為陽氣有餘陰氣不足是知亡血也

脉來緩時一止復來者名曰結脉來數時一止復來者名曰促陽盛則促陰盛則結此皆病脉

緩者遲於平而駛於遲舒徐之謂也促催速也與短促不同陽行健故盛則促陰行鈍故盛則結病脉者言結促雖陰陽之劇盛猶為可治之意雖然退則吉進則主凶矣讀者不可不察

陰陽相搏名曰動陽動則汗出陰動則發熱形冷惡寒者此三焦傷也

搏圍捏而攢聚也動見下陰陽相搏之陰陽以二氣言陽動陰動之陰陽以部位言陽動則陰隨故汗出陰動則陽應故發熱末二句不相蒙疑有脫誤

若脉數見于關上上下下無頭尾如豆大厥厥動搖者名曰動也

此言動有定位與其形狀厥厥舉發貌

陽脉浮大而濡陰脉浮大而濡陰脉與陽脉同等者名曰緩也

緩有二義此以相廉言蓋謂氣血平和與前節之緩不同

脉浮而緊者名曰弦也弦者狀如弓弦按之不移也浮緊者如轉索無常也

此明弦緊之辨按之不移言如弦之張於弓一定而不可動移也轉索無常言左右旋轉而不可拘也

脉弦而大弦則爲減大則爲亢減則爲寒亢則爲虛寒

虛相搏此名爲草婦人則半產漏下男子則亡血失精

寒言陽氣減損而不足亢言陰血衰竭而空虛草言
草易常度也婦人陰血充足而能化則得坤順之常
半產漏下則不足以言坤之資生矣男子陽精充盛
而能施則得乾健之常亡血失精則不足以言乾之
資始矣天地之大德曰生男不足以言資始女不足
以言資生則人道大壞故曰草也一說草讀亟變而
促迫也
亦通

○問曰病有戰而汗出因得解者何也答曰脉浮而緊

按之反乳此爲本虛故當戰而汗出也其人本虛是以發戰以脉浮故當汗出而解也

病久而脉浮者邪見還表而外向也繁爲寒陰也戰邪爭也言邪雖還表而欲退以陰寒所持而人又本虛故邪得以與正爭惟爭所以戰也然脉浮矣邪外向矣故正卒勝邪卒散汗所以出而病解也

問曰病有不戰而汗出解者何也答曰若脉浮而數按之不乳此人本不虛若欲自解但汗出耳不發戰也

此與上節是反對數爲熱陽也陽熱勝而人又不虛則邪不能與正爭汗出邪退也不發戰正勝也此舊本皆二節而顛倒差錯各不相同今得蜀僧來本如此故從而訂之

問曰病有不戰不汗出而解者何也答曰其脉自微此以曾經發汗若吐若下若亡血以內無津液此陰陽自和必自愈故不戰不汗出而解也

曾經多治則邪已衰故脉微無津液言無作汗之邪也陰陽自和言血氣平復也風寒病解大率不外如此三者知此三者則知所以解矣

○問曰傷寒三日脉浮數而微病人身涼和者何也答曰此為欲解也解以夜半脉浮而解者濺然汗出也脉數而解者必能食也脉微而解者必大汗出也

三日言遍三陽也浮數不傳陰也微邪氣衰也夜半陰盡陽生之時也澀然和而汗出貌能食胃回也大汗者其人虛多虛多則受邪多受邪多故汗大也

○問曰脉病欲知愈未愈者何以別之答曰寸口關上尺中三處大小浮沉遲數同等雖有寒熱不解者此脉陰陽為和平雖劇當愈

此以大槩言不獨謂風寒也

○立夏得洪大脉是其本位其人病身體苦疼重者須發其汗若明日不疼不重者不須發汗若汗澀澀自出

者明日便解矣何以言之立夏得洪大脉是其時脉故使然也四時倣此

此言脉得應時而王則病有當解之自然舉夏以例其餘式人推倣之意

○問曰凡病欲知何時得何時愈答曰假令夜半得病明日日中愈日中得病夜半愈何以言之日中得病夜半愈者以陽得陰則解也夜半得病明日日中愈者以陰得陽則解也

凡以大槩言陽得陰陰得陽則陰陽相際血氣平復所以自然當解日中夜半以大意言餘時倣此同推

○寸口脉浮為在表沉為在裏數為在府遲為在藏假令脉遲此為在藏也

此總大
篇意言

○跌陽脉浮而濇少陰脉如經也其病在脾法當下利何以知之若脉大者氣實血虛也今跌陽脉浮而濇故知脾氣不足胃氣虛也以少陰脉弦而浮纔見此為調脉故稱如經也若反滑而數者故知當尿膿也

見音現 少當作太故曰在脾經常也滑為食數為熱尿膿謂膿血利也

○寸口脉浮而緊浮則為風緊則為寒風則傷衛寒則傷榮榮衛俱病骨節煩疼當發其汗也

此舉太陽下篇首條
申其脉而詳明其義

○趺陽脉遲而緩胃氣如經也趺陽脉浮而數浮則傷胃數則動脾此非本病醫特下之所為也榮衛內陷其數先微脉反但浮其人必大便鞭氣噫而除何以知之
本以數脉動脾其數先微故知脾氣不治大便鞭氣噫而除今脉反浮其數改微邪氣獨留心中則饑邪熱不

殺穀潮熱發渴數脉當遲緩脉因前後度數如法病者則饑數脉不時則生惡瘡也

前條太陰以脾言此言胃對舉而兩見貫意惡瘡與屎膿雖不同其為血熱則皆然也瘡者如素問所謂膏粱之變足生大丁與夫多病癰疽之類是也

○師曰病人脉微而濇者此為醫所病也大發其汗又數大下之其人亡血病當惡寒後乃發熱無休止時夏月盛熱欲著複衣冬月盛寒欲裸其身所以然者陽微則惡寒陰弱則發熱此醫發其汗令陽氣微又大下之

令陰氣弱五月之時陽氣在表胃中虛冷以陽氣內微不能勝冷故欲著複衣十一月之時陽氣在裏胃中煩熱以陰氣內弱不能勝熱故欲裸其身又陰脉遲濇故知血亡也

數音速令勝皆平聲 此以誤致惡寒發熱者言所以然者已下申明上文之詞複複衣也

○脉浮而大心下反鞭有熱屬藏者攻之不令發汗屬府者不令溲數溲數則大便鞭汗多則熱愈汗少則便難脉遲尚未可攻

此舉結胃痞氣胃實等之當下者驟致丁寧戒慎之意屬藏指結胃痞氣也故曰攻之不令發汗屬府指胃實等也故曰不令溲數謂不可利小便也

○脉浮而洪身汗如油喘而不休水漿不下體形不仁乍靜乍亂此為命絕也

此節乃此條之總下五節乃五目末節乃總結上文之詞蓋指第九篇第四條而以其不可治者詳言之也

又未知何藏先受其災若汗出髮潤喘而不休者此為肺先絕也

首句乃承上文重起設問之詞若汗出已下至此為
腎絕也乃五答詞汗出髮潤即身汗如油變丈之互
詞喘而不休同然上節曰命絕此曰肺絕何也曰人
以氣在則生氣絕則死肺主氣氣主命故以總一身
而槩言之則曰命絕及以通下文拆
五藏而詳言之則又曰肺先絕也

陽反獨留形體如烟熏直視搖頭者此心絕也

此下當有爲字 陽反獨留乃承上接下之詞人之
有生氣血焉耳氣在則生氣去則死死道之常氣先
絕也然血氣之交亦有偏勝而不可以常論者故曰
陽反獨留言上節之證若不先見則是肺不先絕陽
氣反獨遲留陽反獨留則陰先絕陰血也心主血故
次言之煙薰火欲燼而昏暗先形也直視者少陰之
脉具夫者從心系上俠咽系目也搖頭者頭
爲諸陽之會陰去則陽無所依附故不寧也

脣吻反青四肢熱習者此爲肝絕也

吻微衮切 口脣邊曰吻肝之脉其支者從目系下頰裏環口內青肝之色也四肢手足也熱汗出貌習鳥數飛也言手足顫搖如鳥之習飛奮振而不已蓋肝屬木而主風脾屬土而主四肢土受木賊土欲折而風不息土受傷而欲崩壞也

環口黧黑柔汗發黃者此爲脾絕也

黧音黎 口爲脾之竅黧黑熏黃黑暗土敗之色也柔汗俗謂冷汗是也蓋汗者血之液血雖陰行之者陽脾敗不統血則陰不守陽不固也發黃者脾屬土而主肌肉土欲敗而色外奪也

溲便遺矢狂言目反直視者此爲腎絕也

矢與屎同 洩便遺溺也腎司闔關闔廢故二便皆無禁約也腎藏志經曰狂言者是失志矣失志者死腎主骨骨之精為瞳子瞳子目反直視者骨之精不上榮於瞳子瞳子循而不能轉也

又未知何藏陰陽前絕若陽氣前絕陰氣後竭者其人死身色必青陰氣前絕陽氣後竭者其人死身色必赤腋下溫心下熱也

首句又承上文重起設問之詞下乃答詞也蓋五藏絕之先後不可以上文之次第為拘故復言藏氣之陰陽前後絕竭有以驗之於既死之後則藏有勝負絕有遲速大率可見矣腋左右肘脅之間也成氏曰陽主熱而色赤陰主寒而色青其人死也身色青則陰未離乎體故知陰氣後竭也身色赤腋下溫心下

熱則陽未離乎體
故知陽氣後竭也

○寸口脉浮大而醫反下之此為大逆浮則無血大則為寒寒氣相搏則為腸鳴醫乃不知而反飲冷水令汗大出水得寒氣冷必相搏其人即餒

餒與噎通飲去聲令平聲 浮為氣故曰無血大為虛故曰寒餒俗謂之飢義見下條

○跌陽脉浮浮則為虛浮虛相搏故令氣餒言胃氣虛竭也脉滑則為噦此為醫咎責虛取實守空迫血脉浮鼻中燥者必衄也

此承上條又出跌陽而以噦與衄言皆逼汗而不得汗之所致也咎過愆也責虛言求病於虛虛與上條寒互文取實言反以虛為實而攻取之也血屬陰而為內守故曰空迫血言劫汗也

○諸脉浮數當發熱而灑淅惡寒若有痛處飲食如常者畜積有膿也

此與第十
三條互意

○脉浮而遲面熱赤而戰惕者六七日當汗出而解反發熱者差遲遲為無陽不能作汗其身必癢也

此與太陽下篇
第七條互意

○寸口脉陰陽俱緊者法當清邪中於上焦濁邪中於下焦清邪中上名曰潔也濁邪中下名曰渾也陰中於邪必內慄也表氣微虛裏氣不守故使邪中於陰也陽中於邪必發熱頭痛項強頸攣腰痛脛酸所謂陽中霧露之氣故曰清邪中上濁邪中下陰氣為慄足膝逆冷便溺妄出表氣微虛裏氣微急三焦相溷內外不通上焦拂鬱藏氣相熏口爛食斷也中焦不治胃氣上衝脾氣不轉胃中為濁榮衛不通血凝不流若衛氣前通者

小便赤黃與熱相搏因熱作使遊於經絡出入藏府熱氣所過則為癰膿若陰氣前通者陽氣厥微陰無所使客氣入內嘔而出之聲嗚咽塞寒厥相逐為熱所擁血凝自下狀如豚肝陰陽俱厥脾氣孤弱五液注下下焦不闔清便下重令便數難臍築湫痛命將難全

斷音銀嗚音殭清便之清讀圓令平聲數音朔清指風濁指寒曰滌曰渾以天地之偏氣言也陰中於邪已下至濁邪中上一節是釋上文陰即下焦陽即上焦也陰氣為慄已下至血凝不流是言證若衛氣前通已下言變癰膿之故若陰氣前通已下言變膿血利之故衛氣即陽氣榮氣亦陰氣乃承上榮衛不

通而言而清濁之所以為病在其中矣陰陽俱厥已
下言證併於裏而加重故曰命難全也下重後重也
漱以水
藏言也

○脉陰陽俱緊者口中氣出脣口乾燥踈臥足冷鼻中
涕出舌上胎滑勿妄治也到七日已來其人微發熱手
足溫者此為欲解或到八日已上反大發熱者此為難
治設使惡寒者必欲嘔也腹內痛者必欲利也

此以上條同感而異變者言微發熱邪退也
大發熱邪勝也惡寒表在也腹內痛入陰也

○脉陰陽俱緊至於吐利其脉獨不解緊去入安此為

欲解若脉遲至六七日不欲食此爲晚發水停故也爲未解食自可者爲欲解

至於吐利乃承上條欲嘔欲利而又以其變成者言獨不解言證變而脉獨在也晚發言後來更又發也已上三條一證而三變耳

○病六七日手足三部脉皆至大煩而口噤不能言其人躁擾者必欲解也

六指傷寒七指中風蓋詳其欲解之狀而總言之也然手足三部脉皆至則是以十二經之病皆退言傷寒不獨傳足經明矣

若脉和其人大大煩目重脰內際黃者此爲欲解也

上節以脉但皆至而未和故有口噤躁擾此以和也故惟大煩目重而脰內際見黃與太陽上篇第十一條互意但此以大緊言耳

○脉浮而數浮爲風數爲虛風爲熱虛爲寒風虛相搏則灑淅惡寒也

此緊出惡寒之所以然

○脉浮而滑浮爲陽滑爲實陽實相搏其脉數疾衛氣失度浮滑之脉數疾發熱汗出者此爲不治

滑與前第十六條洪是互文與第九
篇第四條皆一意但詳畧不同耳

○傷寒欬逆上氣其脉散者死謂其形損故也

欬逆上氣肺衰也脉散血衰也肺主氣而
衛外血為陰而榮內兩者俱衰故曰形損

傷寒論條辨卷七